

**Baahida Waxbarashada
Gaarka ah**

**(Special Education Needs)
(SEN)**

Tilmaan-bixiye loogu talagalay waalidka
iyo daryeelayaasha

department for
education and skills
(qaybta waxbarashada iyo farsamada)

Tusmada

		Goorma ayay LEA sameyn doontaa cadeynta ugu dambeysa?	24
Hordhac	2	Ka waran haddii LEA ay go'aan ku gaadho in ilmahaagu aanuu u baahnayn cadeyn?	26
Xeerarka Aasaasiga ah	3	Ka waran haddii aanad raalli ka ahayn go'aanka LEA?	26
Baahida waxbarashada gaarka ah (special education needs) – waa maxay macnaheedu?		Dib-u-fiirinta cadeynta ee sannadlaha ah	27
Maxaa aad sameyn kartaa haddii aad ka walwalsan tahay in ilmahaaga ay dhibaatooyin haystaan?	6	Isbeddel ma lagu sameyn karaa cadeynta?	28
Haqabtirka baahida waxbarashada gaarka ah	7	Ka waran haddii aanad raalli ka ahayn isbeddelada LEA?	30
Waa maxay habka jaranjarada ahi?		Qorsheynta gala-guurka	30
Ka waran haddii aanad raalli ka ahayn goobaha waxbarashada hore (early education settings) ama dugsiga?	11	Ikhtiyaarka ka dib 16 jir	31
Qiimeynta (assessment) iyo cadeynta (statement)		Mudo intee leeg ayaa cadeyntu jirtaa?	32
Waa maxay qiimeyn faahfaahsani (statutory assessment)?	13	Ma weydiisan kartaa in ilmahaaga mar kale la qiimeeyo?	33
Mudo intee leeg ayaad sugi doontaa in LEA go'aan ka gaadho in ilmahaaga loo sameeyo qiimeyn iyo in kale?	14	Maxaa dhaca haddii aad u guurtid LEA ku taalla aag kale?	33
Maxaad sameyn kartaa haddii LEA ay go'aan ku gaadho inaanay qiimeyn u sameynaynin ilmahaaga?	15	Maxaa dhaca haddii aad is khilaafsan tihiin LEA?	34
Qiimeynta	16	Waa maxay adeeg iskaashi waalid?	35
Qiyaasta Wakhtiga qiimeynta	18	Waa maxay adeeg xalin khilaaf?	36
Maxaa dhaca ka dib qiimeynta?	19	Waa maxay Maxkamada Baahi Waxbarasho Gaar ah?	36
Waa maxay cadeyn?	20	Mudo intee leeg ayaa la raba inaad racfaan ama ambiil ku qaadatid?	37
Ka waran haddii aanad raalli ka ahayn go'aanka LEA?	20	Ka waran haddii Maxkamadu aanay qaadi karin dacwadaada?	38
Maxaa dhici doonaa marka cadeyn loo diyaariyo ilmahaaga?	21	Qeexidda	38
Ma dooran kartaa dugsiga ilmahaaga?	22	Qoraalada kale ee waxtar kuu yeellan kara	41
		Haddii aad u baahan tahay gargaar dheeraad ah	41
		Adreesyada faa'iidada leh	42
		Adeegyada iskaashiga waalidka – teleefonada lala xidhiidho	51
Mudo intee leeg ayaad haysataa oo aad faallo ku sameysid?	24		

Marka goobaha waxbarashada hore (early education settings), dugsiyada, LEA (Maamulka Waxbarashada Degmada) iyo adeegyada caafimaadka iyo bulshadu go'aan ka gaadhayaan sidii ay u caawin lahaayeen ilmaha leh baahi waxbarasho oo gaar ah (special education needs), waa inay mar kasta ka fiirsadaan waxa uu qorayo Xeerka Baahida Waxbarashada Gaarka ah (SEN).

Xeerka ugu muhiimsan ee khuseeya waxbarashada gaarka ahi waa Xeerka Waxbarashada ee 1996 (1996 Education Act). Xeer Dhaqan oo Loogu Talagalay Baahida Waxbarashada Gaarka ah (Special Education Needs Code of Practice) ayaa bixiyaa tilmaan ku saabsan sida loo ogaado loona qiimeeyo ilmaha leh baahi waxbarasho oo gaar ah. Dhamaan goobaha waxbarashada hore (early education settings), dugsiyada dawladda iyo LEA waa inay xisaabta ku daraan Xeerka marka ay la dhaqmayaan caruur leh baaahi waxbarasho gaar ah. Waxa kale oo adeegyada caafimaadka iyo bulshada laga raba inay xisaabta ku daraan Xeerka marka ay caawinayaan LEA. Taa macnaheedu waxa weeye marka ay goobaha waxbarashada hore, dugsiyada, LEA iyo adeegyada caafimaadka iyo bulshadu go'aan ka gaadhayaan sidii ay u caawin lahaayeen ilmaha leh baahi waxbarasho oo gaar ah (special education needs), waa inay mar kasta ka fiirsadaan waxa uu qorayo Xeerku.

Hordhac

Ulajeedada tilmaan-bixiyahani waxa weeye inuu kaa caawiyo fahmidda:

- waxa ay tahay baahida waxbarashada gaarka ahi
- waxa aad sameyn kartid haddii aad ka walwalsan tahay in ilmahaaga dhibaatooyin haystaan ka hor ama wakhtiga uu dugsigu tagayo
- sida aad u caawin kartid ilmahaaga
- waxa goobaha waxbarashada hore iyo dugsiyadu sameyn karaan si ilmahaaga loo caawiyo
- waxa maamulada waxbarashada degmada iyo adeegyada kale sameyn karaan si loo caawiyo ilmahaaga xuquuqdaada iyo xuquuqda ilmahaaga.

Xeerarka aasaasiga ah

Qodobada aasaasiga ah ee aad u baahan tahay inaad maskaxda ku haysid marka aad akhrinaysid tilmaan-bixintan waa:

- dhamaan caruurta leh baahi waxbarasho oo gaar ah waa in la haqabtiraa baahidooda
- caadi ahaan baahida waxbarashada gaarka ah waxa lagu haqabtiraa goobaha waxbarashada hore ee caadiga ah (eeg qeexidda) ama dugsiyada
- waa in ra'yigaaga xisaabta lagu daraa waana in rabitaanka ilmahaaga la dhageysto
- waxa aad door muhiim ah ku leedahay taageerista waxbarashada ilmahaaga
- waa in ilmaha leh baahi waxbarasho gaar ah la siiyo waxbarasho balaadhan, oo si fiican u miisaaman oo waxtar leh, oo ay ku jirto manhajka heerka aasaaska (foundation stage curriculum) (oo loogu talagalay da'da min 3 ilaa 5) ama Manhajka Qaranka (National Curriculum) (oo loogu talagalay da'da min 5 ilaa 16).

Waa in lagaala tashado wixii ku saabsan dhamaan go'aamada saameynaya ilmahaaga.

Hadduu aad qabtid su'aalo ama walwal mar uun, waa inaad la wadaagtid macallinka ilmahaaga ama macallinka madaxa ah ama xirfadle kasta oo la shaqeeya ilmahaaga.

Waa inaad mar kasta weydiisatid talo adiga oo aan sugin.

Haddii aad doonaysid inaad la hadashid qof madax-banaan oo yaqaana baahida waxbarashada gaarka ah, waxa aad gargaar ka heli kartaa adeegga iskaashiga waalidka ee degmada ama hay'adaha tabaruca ee heer qaran ama heer degmo, kuwaasoo ah badi hay'ado samofal. Waxa aad war dheeraad ah oo ku saabsan hay'adaha ku heli kartaa bogga 42. Qaybta golahaaga degmada (local council) ee masuulka ka ah waxbarashada – maamulka waxbarashada degmada (local education authority) (LEA) – ayaa kuu sheegi kara sidii aad ula xidhiidhi lahayd.

Baahida waxbarashada gaarka ah (special education needs) – waa maxay macnaheedu?

Ereyga 'baahi waxbarasho gaar ah' (special education needs) waxa uu leeyahay qeexid sharci. Caruurta leh **baahi waxbarasho gaar ah** waxay dhamaantood leeyihiin **dhibaatooyin waxbarasho** ama **naafo** keenaya in waxbarshu ku adag tahay marka la barbaro dhigo caruurta la da'da ah intooda badan.

Sharciyu waxa uu qorayaa inaan ilmuhu lahayn dhibaatooyin waxbarasho iyadoo kaliya sababu tahay afkooda koobaad oo aan ahayn Ingiriisi. Way jirtaa dhab ahaan inay ilmahaasi qaar ka mid ah ay dhici karto inay leeyihiin dhibaatooyin waxbarasho.

Waxa dhici karta in ilmaha leh baahi waxbarasho gaar ahi u baahan yihiin gargaar dheeraad ah taasoo ka imanayso dhawr baahiyood, sida xagga fikirka iyo fahmidda, dhibaatooyin jidh ama dareen, dhibaatooyin niyad iyo dhibaatooyin dhaqan, ama dhibaatooyin hadal iyo af ama sida ay ula macaamilaan ulana dhaqmaan dadka kale.

Caruur badan ayaa yeellan doona nooc ah baahi waxbarasho gaar ah wakhti uun inta ay waxbarashada ku jiraan. Dugsiyada iyo hay'adaha kale ayaa caruurta intooda badan ka caawin kara inay si dhakhso ah oo fudud uga gudbaan caqabadaha ay keenayaan dhibaatooyinka haysta. Laakiin caruur tiro yar ayaa u baahan doona gargaar dheeraad ah in ama dhamaan wakhtiga ay joogaan dugsiyada.

Sidaa daraadeed baahida waxbarashada gaarka ah waxa macnaheedu noqon karaa in ilmaha ay dhibaato ka haysato:

- dhamaan shaqada dugsiga
- akhriska, qorista, shaqada tirada ama fahmidda warka
- sheegista waxa ay doonayaan ama fahmidda waxa ay dadka kale leeyihiin
- sameysashada saaxiibada ama la macaamilista dadka waaweyn
- u-dhaqmidda si habon marka ay dugsiga joogaan
- nidaam u-yeellista naftooda
- nooc ah baahi dareeme ama jidh oo ku saameyn karta dugsiga

Kuwaasi waa tusaalooyin kaliya.

Gargarka la siinayo ilmaha leh baahi waxbarasho gaar ah waxa caadi ahaan lagu bixin doonaa goobaha waxbarashada hore ee caadiga ah ama dugsiga, iyadoo marmarka qaarkood la adeegsanayo gargaarka khubaro dibadda ka yimaada.

Dawladdu waxay dajisay Yoolka Waxbarashada Hore (Early Learning Goals) ee heerka aasaaska waxbarashada loogu talagalay ilmaha jira min 3 ilaa 5 sannadood oo ku saabsan waxa ilmaha intooda badan laga rabo inay sameyn karaan marka uu dhamaado sannad-dugsiyeedku. Manhajka Qaranka ee loogu talagalay ilmaha jira min 5 ilaa 16 ayaa isaguna qoraya waxa ilmaha intooda badan ay baran doonaan heer kasta oo ka tirsan waxbarashadooda.

Dhab ahaan xawaaraha waxbarashada ilmuhu waa uu kala duwan yahay waxana ay leeyihiin siyaabo kala duwan oo ay wax ku bartaan. Waxa macallimiinta laga filaya inay taa xisaabta ku daraan iyaga oo si taxadir leh u eegaya sida ay nidaam ugu yeellaan casharadooda, fasalka, buugaagta iyo alaabta ay siiyaan ilmo kasta iyo habka ay wax u baraan. Sidaa daraadeed waxa dhamaan macallimiintu ka fiirsan doonaan tiro ah xul la kala dooranao waxana ay dooran doonaan siyaabaha ugu haboon si ilmo kasta looga gargaaro hawlo dhawr ah. Waxa taa lagu sharaxaa badanaa 'kala-duwanaa ku-dabaqidda manhajka'.

Caruurta sameynaya horumar gaabinaya ama ay aag gaar ah ka haysato dhibaatooyin waxa la siin karaa gargaar dheeraad ah ama casharo ka duwan kuwii lagu talagalay si looga gargaaro inay guulaystaan. Tabaha

Far iyo Tiro Barashada Qaran (National Literacy and Numeracy Strategies) ayaa iyaguna siiya ilmaha fursado ay ku bartaan akhriska iyo qorista iyo fahmidda tirooyinka iyo xisaabta iyadoo la adeegsanayo siyaabo iyo xawaare kala duwan, waxana taa ku jira hawl ah 'gaadh' oo gaar ah iyo noocyo kale oo ah taageero.

Sidaa daraadeed ha ka soo qaadin, iyadoo sababtu tahay in ilmahaagu u sameynayo horumar ka gaabinaya intii aad filaysay ama iyadoo macallimiintu ay bixinayaan taageero nooc kale ah, gargaar ama hawlo ah fasalka dhexdiisa, in ilmahaag leeyahay baahi waxbarasho gaar ah.

Maxaa aad sameyn kartaa haddii aad ka walwalsan tahay in ilmahaaga ay dhibaatooyin haystaan?

Sannadaha hore ee ilmahaagu waa wakhti aad muhiim ugu ah korniinkii jidh, niyad, garaad iyo bulsho. Marka booqdaha caafimaadku ama dhakhtarku sameynayo baadhitaan caadi ah, waxa dhici karta inay ku taliyaan inay jiri karto dhibaato. Laakiin haddii aad qabtid walwal gaar kuu ah, waa inaad isla markiiba si toos ah u heshid la-talin.

Haddii ilmahaagu aanuu wali galin dugsiga ama aanu wali ku jirn hab waxbarasho hore, waxa aad la hadli kartaa dhakhtarkaaga ama booqde caafimad kaasoo ay suurogal u tahay inuu ku siiyo talo ku saabsan talaabooyinka taa xiga ee la qaadayo.

Haddii aad u malaynaysid in ilmahaagu u leeyahay baahi waxbarasho gaar ah oo aanuu garan dugsigu ama goobta waxbarashada hore, waa inaad si toos ah ula hadashid macallinka fasalka ee ilmahaaga, ama SENCO (oo ah qof jooga dugsiga ama goobta wax lagu baro caruurta aan gaadhin da'da dugsiga kaasoo ay masuuliyad gaar ahi ka saaran tahay isku-dabaridka gargaarka la siinayo caruurta leh baahi waxbarasho gaar ah) ama macallinka madaxa ah.

Haddii ilmahaagu u dhigto dugsi sare, waa inaad la hadashid macallinka horjoogaha u ah fasalka, SENCO, macallinka madaxa ah sannadkaa ama macallinka madaxa ah.

Waxa fiican inaad ku bilawdid macallinka ilmahaaga ama SENCO. Waxa suurogal kuu noqon doonta inaad kala hadashid walwalkaaga iyo inaad ogaatid waxa dugsiga fikradiisu tahay. Qofka ah SENCO ayaa kuu sharixi kara waxa dhici doona ee taa xiga.

La shaqeynta macallimiinta ilmahaagu waxay badanaa gargaar ka geysan doontaa xalinta walwalka iyo dhibaatooyinka. Hadba sida aad ula shaqeysid macallimiinta ayaa loogu guuleysan doonaa wixii gargaar ah ee la siinayo ilmahaaga.

Ogsoonow – adigaa dadka oo dhan ka yaqaana ilmahaaga.

Waxa dhici karta inaad jeclaatid inaad ogaatid:

- haddii dugsi u malaynayo in ilmahaagu leeyahay dhibaatooyin
- haddii dugsi u malaynayo in ilmahaagu leeyahay baahi waxbarasho gaar ah
- haddii ilmahaagu uu awood u leeyahay inuu ku shaqeeyo isla heerka ilmaha kale ee da'diisu ku shaqeeyaan
- haddii imminkaba ilmahaaga la siiyo gargaar dheeraad ah
- haddii aad caawin kartid ilmahaaga.

Hay'adaha kale ee aad gargaar ka heli kartid waa:

- adeegga iskaashiga waalidka ee ku yaalla degmadaada maamul (eeg bogga 51)
- adeegyada caafimaadka ilmaha
- adeegyada bulshada
- hay'adaha tabaruga ee degmada, badanaa hay'adaha samofalka.

Haqabtirka baahida waxbarashada gaarka ah

Heerka Dhaqanka Baahida Waxbarashada Gaarka ah (**Special Educational Needs Code of Practice**) waxa uu tilmaan-bixin siiyaa goobaha waxbarashada hore (early education settings) (eeg bogga 39), dugsiyada dawladda, LEA iyo qof kasta oo gargaar ka geysta garashada, qiimeynta iyo gargaar siinta ilmaha leh baahi waxbarasho gaar ah. Waxa uu xeerkaasi cadeeyaa hawlaha iyo hababka dhamaan hay'adaha laga rabo inay raacaan si ay u haqabtiraan baahida ilmaha. Waa inaanay iska indho-tirin tilmaan-bixinta Xeerka.

Waxa kale oo laga rabaa inay xisaabta ku daraan Xeerka marka ay qorayaan siyaasadahooda Baahida Waxbarashada Gaarka ah (SEN)..

Waxa aad koobiyada Xeerka Dhaqanka Baahida Waxbarashada Gaarka ah (SEN Code of Practice) ka heli kartaa Qaybta Waxbarashada iyo Farsamada (Department of Education and Skills) adiga oo tagaya rugta internetka DfES oo ah www.dfes.gov.gsi.uk/sen ama DfES Publications Centre oo lagala xidhiidho 0845 6022260.

Xeerku waxa uu sharaxayaa sida gargaarka loogu talagalay ilmaha leh baahi waxbarasho gaar ah ee lagu bixinayo dugsiyada iyo goobaha waxbarashada hore loo rabo in laga dhigo mid ah talaabo talaabo ama '**hab jaranjaro**' (graduated approach).

Waa maxay habka jaranjara ahi?

Waxa ay goobaha waxbarashada hore iyo dugsiyadu muhiimad weyn siiyaan goor hore garashada baahida waxbarashada gaarka ah si ay gargaar u siiyaan ilmaha wakhtiga ugu dhakhsaha badan. Marka go'aan laga gaadho in ilmahaagu u leeyahay Baahi Waxbarashada Gaarka ah , waa in macallimiinta ilmahaagu xisaabta ku daraan tilmaan-bixinta Xeerka Dhaqanka Baahida Waxbarashada Gaarka ah (SEN Code of Practice). Waxa taa ku jira war lagaa siiyo adeegga iskaashiga waalidka ee degmada.

Habka jaranjarada ahi waxa uu ictiraafsan yahay in caruurta siyaabo kala duwan wax u bartaan ayna yeellan karaan heerar kala duwan oo ah Baahida Waxbarashada Gaarka ah (SEN). Sida daraadeed, sida isa soo taraysa, oo talaabo talaabo ah, ayaa loo adeegsan karaa khibrad aqoon-yahan si dugsiyada looga gargaaro dhibaatooyinka hayn kara ilmaha.

Waa in dugsiyada kuu sheegaa marka ugu horeysa ee ay bixiyaan gargaar dheeraad ah ama gargaar nooc kale ah oo la siinayo ilmahaaga sababta oo ah ilmahaaga oo leh baahi waxbarasho gaar ah. Gargaarkaa dheeraad ah ama nooc kale ahi waxa uu noqon karaa hab kale oo loo baro waxyaabaha qaarkood, ama waxa uu noqon karaa isticmaalka qalab gaar ah sida kombiyuutar ama miis leh dul janjeedha.

Marka la joogo goobaha waxbarashada hore waxa gargaarkaa loogu yeedhaa **Hawl Sannadaha Hore (Early Years Action)**, marka la jooga dugsiyadana waxa loogu yeedhaa **Hawl Dugsi (School Action)**.

Waxa dhici karta in mudo yar ama dhawr sannadood ilmahaagu u baahan yahay gargaar iyadoo la marayo habka jaranjarada ah; xiitaa waxa dhici karta inuu u baahan yahay gargaaraka mudada ay waxbarashadu u socoto oo dhan.

Waa in lagu tashado talaabo kasta oo la qaadayo.

Dugsiyada kala duwani waxay Xeerka Dhaqanka (Code of Practice) ugu dhaqmi doonaan siyaabo kala duwan. Hase yeeshee, si kasta ha ahaato sida dugsi uu ugu dhaqmayo Xeerka, haddii ilmahaagu uu leeyahay Baahida Waxbarashada Gaarka ah (SEN), waa in lagu tashado talaabo kasta oo la qaadayo. Waxa kale oo dugsi uu ka fiirsan doonaa fikradaha ilmahaaga. Waa in dugsiyadu u sheegaan waalidka wixii ku saabsan horumarka caruurtooda. Waxa aad xaq u leedahay inaad aragtid siyaasadda Baahida Waxbarashada Gaar ah (SEN) ee dugsi iyo inaad heshid koobiga warbixinta sannadlaha ah ee dugsi, taasoo ay ku jirto warbixin ku saabsan siyaasadda.

Macallinka ilmahaaga ayaa masuul ka ah inuu ilmahaaga ula shaqeeyo hab ah maalin-ka-maalin laakiin waxa dhici karta inuu go'aan ku gaadho inuu qoro hawlaha ama gargaarka loogu talagalay ilmahaaga e ku qoran Qorshaha Waxbarashada Qofka (Individual Education Plan) (IEP).

Waa in Qorshaha Waxbarashada Qofku (IEP) uu sheegayo:

- waxa uu yahay gargaarka gaarka ah ee la bixinayo
- inta jeer ilmahaagu ee heli doono gargaarka
- qofka bixin doona gargaarka
- waxa ay yihiin yoolka loogu talagalay ilmahaaga
- goorta iyo sida loo hubin doono horumarka ilmahaaga
- waxa uu yahay gargaarka aad ilmahaaga ku siin kartid guriga.

Waa in macallinka adiga iyo ilmahaaga kala hadlo Qorshaha Waxbarashada Qofka (IEP) haddii taasi suurogal tahay.

Qorsheyaasha Waxbarashada Qofka (IEP) waa caadi ahaan lala xidhiidhiyaa aagagga muhiimka ah ee afka, farta, xisaabta iyo dhaqanka iyo farsamooyinka bulshada. Marrarka qaarkood dugsi ama goobta waxbarashada hore ma qori doonto Qorshe Waxbarasho Qof (IEP) laakiin waxay diiwaangalin doonaan sida ay u haqabtirayaan baahida ilmahaaga

iyadoo la isticmaalayo hab nooc kale ah, iyadoo ay dhici karto in taasi ka tirsan thay qorsheyaasha casharka, waxana ay horumarka ilmahaaga u diiwaangalin doonaan isla habka ay ugu diiwaangaliyaan caruurta kale oo dhan. Laakiin waa in mar kasta dugsi awoodi karo inuu kuu sheego sida ay u gargaarayaan ilmahaaga iyo horumarka ay sameynayaan kuuna sharaxaan sababta aanay u qorin Qorshe Waxbarasho Qof (IEP).

Ogsoonow – waxa muhiimka ahi waa sida loo gargaaro ilmahaaga ee ma aha habka uu dugsi uu qoray.

Haddii ilmahaagu aanuu sameynin horumar ku filan, waa in macallinka ama SENCO kaala hadlo sidii talo loo weydiisan lahaa dadka ka baxsan dugsi. Waxa dhici karta inay damcaan inay gargaar weydiistaan, tusaale ahaan, macallin takhasusle ah, aqoon-yahan cilmi-nafsi, daweeye hadal iyo af ama xirfadleyaal caafimaad oo kale. Waxa gargaarka noocan ah loogu yeedhaa **Hawl Sannadaha Hore oo Dheeraad ah (Early Years Action Plus)**, ama **Hawl Dugsi oo Dheeraad ah (School Action Plus)**.

Waa in SENCO isku dayo in lagugu daro wixii wada-hadalo ah, waana inuu ka fiirsado ra'yigaaga sida marka ay gaadhayaan go'aamo ku saabsan sida ugu fiican ee loo gargaari karo ilmahaaga. Waa inay kula socodsiiyaan horumarka ilmahaaga.

Xeerka Dhaqanka Baahida Waxbarashada Gaar ah (SEN Code of Practice) waxa uu aad u cadeeyay muhimadda ay leeyihiin goobaha waxbarashada hore, LEA iyo waalidka oo wada-jir u shaqeynaya. Waa in waalidku helaan fursado badan oo ay ku ogaadaan waxa dhacaya.

Ra'yigaagu waa mid aad u muhiim ah wakhti kasta.

Marka wixii ah walwal ama su'aalo ee aad qabtid aad kala hadashid dadka jooga goobaha waxbarashada hore, macallinka fasalka, SENCO ama macallinka madaxa ah ayaa waxa xal loo heli doonaa wixii walwal ama isfaham la'aan ah.

Ka waran haddii aanad raalli ka ahayn goobaha waxbarashada hore (early education settings) ama dugsiga?

Adeegyada iskaashiga waalidku waxay kaa caawin karaan inaad sheegtid ra'yigaaga waxana ay ku siin karaan taageero mar kasta oo aad u baahan tahay.

Haddii aanad raalli ka ahayn wax uu dugsigu u qabtay ilmaaga, waa inaad marka hore la hadashid SENCO ama macallinka fasalka ilmahaaga ama macallimiinta maadooyinka dhiga. Waxa kale oo aad la hadli kartaa macallinka madaxa ah. Marmarka qaarkood waxa dhici kara isfaham la'aan. Waxa muhiim ah inaad intii suurogal ah iskaashi la yeelatid dugsiga ilmahaaga marka laga hadlayo wax ku saabsan Baahida Waxbarashada Gaar ah (SEN) u leeyahay ilmahaagu. Waxa dhici karta inay wax ku tarto qorista wixii ah walwal ka hor intaanad iman shirka ama, haddii aad doonaysid, waxa aad soo kaxaysan kartaa saaxiib ama qaraabo. Waxa kaloo dhici karta inaad waxtar ka heshid la hadlista waalidka kale. Dugsiga ilmahaaga ayaa awoodi kara inuu kugu xidhiidhiyo adeegga iskaashiga waalidka ee degmada oo ku siin kara magacyada hay'adaha tabaruca ee degmada iyo kooxaha waalidka ee laga yaabo inay ku caawin karaan.

Haddii adiga iyo dugsiga dawladdu aydun wali is khilaafsan tiyiin ka dib marka aad wada hadashaan, waxa aad xor u tahay:

- inaad gargaar iyo taageero ka heshid adeegga iskaashiga waalidka ee degmada
- inaad heshid adeeg xalin khilaaf oo dabacsann oo uu bixiyo Maamulka Waxbarashada Degmadaaga (LEA) (Eeg boggaga 51-54).

Qiimeynta iyo cadeynta

Waa in dhamaan caruurta leh baahi waxbarasho gaar ah la siiyo waxbarasho balaadhan oo si fiican isugu miisaaman.

Caruur badan ayaa, wakhti uun yeellan doona baahi waxbarasho oo gaar ah oo ah nooc uun. Sharcigu waxa uu qorayaa in dhamaan dugsiyada dawladdu ay sameeyaan dadaalkooda ugu wacan si ay u arkaan in gargaar gaar ah la siiyo dhamaan caruurta leh Baahida Waxbarashada Gaar ah (SEN). Caruurta intooda badan waxa baahidooda la haqabtiri karaa iyadoo la isticmaalayo dugsiga caadiga ah, marmarka qaarkoodna iyadoo la adeegsanayo gargaar laga helo takhasusleyaal dibadda ah. Marrar dhif ah qaarkood, waxa loo baahdaa in maamulka waxbarashada degmadu (local education authority) (LEA) uu **qiimeyn** ku sameeyo baahida waxbarasho ee ilmaha, taasoo ku salaysan talada laga helo takhasusle. Haddii LEA ay ka dib go'aan ku gaadho in ilmuhu u baahan yahay gargaar gaar ah, waa inay qoraan **cadeyn baahi waxbarasho gaar ah (statement of special educational needs)** – taasoo caadi ahaan loogu yeedho 'cadeyn' (statement). Waxay taasi sharaxaysaa dhamaan baahida ilmaha iyo dhamaan gargaarka gaarka ah ee uu u baahan yahay. Caadi ahaan dugsiga caadiga ah ee ilmaha iyo LEA ayaa bixin kara gargaar ka iyadoo taageero laga helayo LEA.

Haddii ilmahaagu wali uu u eeg yahay mid aan sameynaynin horumar ku filan ama uu u baahan yahay gargaar dheeraad ah oo badan, waxay LEA go'aan ku gaadhi kartaa inay sameeyaan qiimeyn sii faahfaahsan oo ku saabsan baahida ilmahaaga.

•

Dugsiga ilmahaaga ama goobta waxbarashada hore ayaa weydiin karta LEA inay sameeyaan qiimeyn faahfaahsan (statutory assessment) (eeg qaybta soo socota). Waa inay mar kasta kula hadlaan ka hor intaanay weydiin LEA.

Ama

- Haddii aad dareensan tahay in dugsiga ilmahaagu ama goobta waxbarashada hore aanay bixin karin dhamaan gargaarka dheeraadka ah ee ilmahaagu u baahan yahay, ama haddii ilmahaagu aanuu sameynaynin horumar ku filan sidaa daraadeedna uu dib uga dhacayo ilmaha kale ee da'diisa, waxa aad LEA weydiisan kartaa inay sameeyaan qiimeyn faahfaahsan.

Waa inaad mar kasta la hadashid macallimiinta ilmahaaga ama SENCO ka hor intaan la weydiisan LEA. Waxa aad mar kasta weydiisan kartaa inay kaa caawiyaan in warqad loo qorto LEA, ama waxa aad gargaar weydiin kartaa adeegga iskaashiga waalidka ee degmada ama hay'ad tabaruc.

Waa maxay qiimeyn faahfaahsani (statutory assessment)?

Taasi waa baadhitaan faahfaahsan oo loogu talagalay in lagu ogaado waxa ay si sax ah u tahay baahida waxbarashada gaarka ah ee ilmahaaga iyo waxa uu yahay gargaarka gaarka ah ee ilmahaagu u baahan yahay. Qiimeyn faahfaahsani waxa kaliya ee lagama-maarmaan tahay haddii dugsiga ama goobta waxbarashada hore aanay bixin karin dhamaan gargaarka uu ilmahaagu u baahan yahay.

Marka adiga, goobta waxbarashada hore ama dugsiga ay LEA weydiyaan inay sameeyso qiimeyn faahfaahsan, waxa caadi ahaan LEA ay haysataa lix todobaad oo go'aan ay kaga gaadhi karaan inay sidaa sameeyaan iyo in kale. Waxay si taxadir leh uga fiirsan doonaan horumarka ilmahaaga xagga dugsiga iyo tilmaan-bixinta Xeerka Dhaqanka Baahida Waxbarashada Gaar ah (SEN Code of Practice). Waxa kale oo ay dhageysan doonaan ra'yigaaga iyo ra'yiga dugsiga ilmahaaga ee ku saabsan baahida waxbarashada gaar ah ee u leeyahay ilmahaagu. Dugsiga ama goobta waxbarashada hore ayaa LEA u soo sheegi doona wixii ah gargaar gaar ah ee hore loo siiyay ilmahaaga.

Ogsoonow – adeegga iskaashiga waalidka ee degmadu waxa uu meesha u joogaa inuu ku caawiyo wakhti kasta.

Mudo intee leeg ayaad sugi doontaa in LEA go'aan ka gaadho in ilmahaaga loo sameeyo qiimeyn iyo in kale?

Waxa LEA ay eegi doontaa codsiga qiimeyn faahfaahsan waxana ay kuu sheegi doonaan (caadi ahaan gudaha lix todobaad) in ay sameyn doonaan qiimeyn iyo in kale.

Isla wakhtiga ay LEA bilawdo inay eegto codsiga qiimeyn faahfaahsan waxay kuu soo qori doonaan warqad waxana:

- ay kuu sheegi doonaan inay ka fiirsanayaan inay sameeyaan qiimeyn faahfaahsan iyo in kale
- ay kuu sheegi doonaan sida ay u sameyn doonaan qiimeyn faahfaahsan haddii mid la sameynayo
- ay kuu sharixi doonaan qiyaasta wakhtiga (oo aan ka badan doonin lix bilood dhamaantii)
- ay ku siin doonaan magaca qofka jooga LEA ee noqon doona qofka aad la xidhiidhaysid (Sarkaalka la Magacaabay) (The Named Officer)
- ay ku weydiin doonaan inaad bixisid sababo qoran ama afka ah, oo la yidhaahdo 'marag', oo ku saabsan sababta aad ugu malaynaysid in ilmahaaga loo sameeyo qiimeyn ama aan loo sameynin (waxa aad haysataa ugu yaraan 29 cisho oo aad taa ugu soo dirtid LEA)
- ay kuu sheegaan warka adeegga iskaashiga waalidka ee LEA kaasoo awoodi kara inuu kugu gargaaro talo madax-banaan iyo taageero
- waxay ku weydiin karaan haddii uu jiro qof kale oo aad si gaar ah u jeceshahay in LEA ay kala hadasho ilmahaaga
- waxay ku weydiin karaan wixii ah marag ama ra'yi ee aad soo ururisay ama aad ku talo-jirtid inaad heshid
- ay kugu dhiirigalin karaan inaad bixisid marag ah qoraal ama hadal oo ay ka fiirsato LEA (LEA ama adeegga iskaashiga waalidka ayaa kaa caawin kara sidii aad u sameyn lahayd marag qoraal ah).

LEA waxay haysataa lix todobaad oo ay kuugu sheegto inay sameyn doonaan qiimeyn faahfaahsan oo ku saabsan ilmahaaga. Haddii LEA ay qaadato wakhti ka badan lix todobaad, waa inaad weydiisid Sarkaalka la Magacaabay (Named Officer) (eeg bogga 39) inuu kuu sharaxo daahista ama dib-u-dhaca.

Haddii aanad ku faraxsanayn jawaabta ama sababta daahista, waxa aad la hadli kartaa adeegga iskaashiga waalidka ee degmada ama waxa aad LEA weydiin kartaa inay soo qabanqaabiyaan in khilaafka loo xaliyo si dabacsan iyadoo la marayo qof madax-banaan.

Waxa kama-dambays ahaan aad u dacwoon kartaa Xoghayaha Waxbarashada iyo Farsamada ee Dawladda (Secretary of State for Education and Skills) adiga oo ka dacwoonaya daahista aan caqli-galka ahayn. Xoghayaha Dawladdu waxa uu LEA u sheegi karaa in laga rabo inay sameeyaan qiimeyn faahfaahsan iyo in kale. LEA ama adeegga iskaashiga waalidka ayaa awoodi kara inay ku siiyaan faahfaahinta sida loo sameeyo dacwad ku saabsan daahis noocaasaa.

Maxaad sameyn kartaa haddii LEA ay go'aan ku gaadho inaanay qiimeyn u sameynaynin ilmahaaga?

Haddii LEA go'aan ku gaadho inaanay sameynaynin qiimeyn faahfaahsan oo ilmahaaga ku saabsan, waa inay warqad soo qoraan oo ay u sheegaan adiga iyo dugsiga sababhooda. Waxa dhici karta in adiga ama dugsigu ay wali dareensan yihiin in loo baahan yahay wax dheeraad ah si loo haqabtiro baahida waxbarashada ilmahaaga. Waa inaad la hadashid dugsiga si aad u ogaatid wixii la sameyn karo. Waxay ka fiirsan karaan habab kala duwan ama gargaarka dibadda ayaa haboonaan kara. Waxa kale oo aad la hadli kartaa adeegga iskaashiga waalidka ee degmada.

Xiitaa haddii LEA ay go'aan ku gaadho in ilmahaagu aanuu u baahnayn qiimeyn faahfaahsan, ilmahaagu waxa uu wali heli karaa gargaar dheeraad ah.

Haddii LEA ay go'aan ku gaadho inaanay sameynaynin qiimeyn faahfaahsan, waxa aad xaq u leedahay inaad racfaan ama ambiil u qaadatid Maxkamadda Baahida Waxbarashada Gaarka ah (Special Education Needs Tribunal) haddii aanad raalli ka ahayn go'aanka LEA.

Waa in LEA kuu sheegto nidaamyada degmada ee loogu talagalay in wixii ah khilaaf loo xaliyo si dabacsan ama si aan maxkamad ahayn, sidoo kale waa in lagu sheego xaq aad u leedahay racfaan aad u qaadatid Maxkamadda Baahida Waxbarashada Gaarka ah iyo xadka wakhtiga qaadashada racfaanka. Waxa muhiim ah inaad wixii ah racfaan aad u gudbinaysid Maxkamadda bilawdid gudaha xadka wakhtiga ah sababta oo

ah waxay u badan tahay in Maxkamaddu diido inay dhageysato racfaankaaga haddii aad daahdid.

Qiimeynta

Caruur aad u tiro yar ayaa u baahan qiimeyn faahfaahsan.

Haddii LEA ay sameyso qiimeyn, waxay weydiin doonaan tiro ah xirfadleyaal inay bixiyaan ra'yigooda ku saabsan ilmahaaga. Waxay LEA talo weydiisan doontaa:

- dugsiga ilmahaaga ama goobta waxbashada hore
- aqoon-yahan cilmi-nafsi oo waxbarashada qaabilsan
- dhakhtar
- adeegyada bulshada (oo iyagu bixin doona talo kaliya haddii ay yaqaanaan ilmahaaga)
- qof kaloo kasta oo ay LEA u haysato in taladiisu haboon tahay.

Waxa aad xaq u leedahay inaad joogtid wareysi kasta oo la qaadayo, baadhitaan caafimaad ama baadhitaan kale inta ay socoto qiimeynta faahfaahsani, laakiin marmarka qaarkood waxa dhici karta in xirfadleydu codsadaan inay arkaan ilmahaaga adiga oo aan joogin. Marmarka qaarkood ilmuhu waxay u dhaqmaan si kale marka waalidku joogo meesha.

Waxa kale oo lagu weydiin doonaa fikradahaaga mar kale – taasi way ka duwan tahay marka lagu weydiinayo inaad u malaynaysid in ilmahaaga la qiimeeyo iyo in kale.

Waa inaad dareentid inaad u madax-banaan tahay inaad ku talisid dad ama hay'ado kale oo aad ogtahay in fikradahoogu ay gargaar ka geysan karaan qiimeynta ilmahaaga. Waa in LEA ka dib weydiiso fikradahooga. Waxa kale oo aad LEA u soo diri kartaa wixii ah talo gaar ah ama fikrado aad soo ururisay ee ku saabsan ilmahaaga waana in LEA ay kuwaa xisaabta ku darto kana soo qaado inay yihiin qayb ka tirsan qiimeynta.

Waxa aad leedahay door muhiim ah oo aad ciyaartid sababta oo ah waa adiga qofka sida ugu fiican u yaqaana ilmahaaga.

Si fiican ayaa fikradahaaga loo soo dhaweyn doonaa waana inaad dareentid inaad xor u tahay inaad su'aal sheegatid wakhti kasta. Adeegga iskaashiga waalidka ama sarkaal ka socda LEA ayaa ku gargaari kara. Aad bay muhiim u yihiin walwalkaaga, ra'yigaaga iyo aqoonta aad u leedahay ilmahaaga – waa adiga qofka sida ugu fiican u yaqaana ilmahaaga.

LEA ayaa kaa caawin doonta inaad ka fikirtid sidii aad u bixin lahayd ra'yigaaga. Waxa dhici karta inay leeyihiin tilmaan-bixin kaa caawin doonta inaad ka qaybqaadatid qiimeynta ilmahaaga. Waxa muhiim ah inaad heshid in alaale intii talo iyo taageero aad dareensan tahay inaad u baahan tahay. Waxa dhici karta inaad doonaysid inaad ka fiirsatid weydiinta:


- adeegga iskaashiga waalidka ee degmada
- hay'adaha tabaruca ee la shaqeeya caruurta iyo dadka da'da yar
- kooxaha kale ee taageerada waalidka.

Waa in Sarkaaalka la Magacaabay (Named Officer) ama LEA ay gargaar ka geystaan sharaxaadda habka qiimeynta. Waa inaad dareentid inaad xor u tahay inaad la xidhiidhi kartid wakhti kasta. Waxa kale oo jira liis ah adreesyada faa'iidada leh oo ku yaalla dhamaadka buuggan yar.

Si aad LEA uga caawisid inay sameeyaan qiimeyn degdeg ah, marka ay ku weydiyaan waxa aad u malaynaysid, waa inaad isku daydid inaad ku jawaabtid gudaha lix todobaad. Waxa dhici karta in LEA ku siiso wakhti kama-dambays ah oo aad ku bixisid ra'yigaaga. LEA ayaa kuu sheegi doonta haddii taasi jirto, waxana uu wakhtiga kama-dambaysta ahi noqon doonaa 29 cisho ama wax ka badan.

Waxa kaloo dhici karta in LEA ku weydiiso fikrada uu ilmahaagu ka haysto Baahidiisa Waxbarashada Gaar ah (SEN). Fikrada uu ilmahaagu haysto waxay qayb weyn ka qaadan kartaa qiimeynta LEA. Haddii ilmahaagu u baahan yahay in gargaar laga siiyo sidii uu ra'yigiisa u siin lahaa LEA, waxa gargaar bixin kara adiga, macallin ama xirfadle kale.

Qiyaasta wakhtiga qiimeynta



Calaamada Kiristal (Crystal Mark) ee 'Plain English Campaign' ma khuseyso shaxankan.

Waxa dhici karta inay jiraan dhawr ka-reebitaan oo qabanaya jadwalkan wakhti marka wakhtiga guud ay dhici karto inaanuu ka badnayn 26 todobaad. Haddii ay u badan tahay in taasi dhacdo, LEA ayaa kuu sheegi doonta sababta keentay daahista.

Maxaa dhaca ka dib qiimeynta?

Cadeyn baahi waxbarasho gaar ahi waxay sheegaysaa baahida ilmahaaga iyo dhamaan gargaarka gaarka ah ee la rabo inuu helo.

Marka Saraakiisha Baahida Waxbarashada Gaar ah (SEN) ee xafiiskaaga LEA ay soo ururiyeen dhamaan talada iyo faalooyinka ku saabsan baahida waxbarashada ilmahaaga, waxay go'aan ku gaadhi doonaan inay ilmahaaga u sameeyaan cadeyn Baahi Waxbarashada Gaar ah (SEN) iyo in kale. Waxay caadi ahaan go'aankoodu kuu sheegi doonaan wakhti aan ka badnayn 12 todobaad ka dib marka ay go'aan ku gaadhaan inay sameeyaan qiimeyn.

Ka dib qiimeynta waxay LEA go'aan ku gaadhi kartaa inay lagama-maarmaan tahay inay ku qoraan dhamaan warka ay soo ururiyeen dukumenti la yidhaahdo **cadeynta baahida waxbarashada gaarka ah (statement of special educational needs)** (oo badanaa loogu yeedho cadeyn (statement)).

Waa in LEA ay caadi ahaan warqad kuu soo qoraan kuuna sheegaan haddii ay qori doonaan cadeyn gudaha 12 todobaad oo ka bilaabmaya marka la bilaabo qiimeynta.

Haddii LEA go'aan ku gaadho inaanay sameynin cadeyn, waxay sharixi doonaan sababhooda kuuna sheegi doonaan sida ay u malaynayaan in baahida ilmahaaga ay tahay in loo haqabtiro iyadoo la isticmaalayo dugsiga, goob waxbarasho hore ama hab kale.

Ka waran haddii aanad raalli ka ahayn go'aanka LEA?

Waa in LEA kuu sheegto ku-talogalka heer degmo ee loogu talagalay xalinta khilaafka iyo xaqa aad u leedahay racfaan aad u qaadatid Maxkamadda Baahida Waxbarashada Gaarka ah (Special Educational Needs Tribunal). Waxa aad xaq u leedahay inaad racfaan u qaadatid Maxkamadda Baahida Waxbarashada Gaar ah (SEN Tribunal) xiitaa haddii aad isticmaalaysid adeegga xalinta khilafka (disagreement resolution service) (eeg bogga 36).

Waa maxay cadeyn?

Cadeyntu waxay sharixi doontaa dhamaan Baahida Waxbarashada Gaar ah (SEN) ee ilmahaaga iyo gargaarka gaarka ah ee la rabo in ilmahaaga la siiyo. Caadi ahaan LEA waxay sameyn doontaa cadeyn haddii ay go'aan ku gaadhaan in dhamaan gargaarka gaarka ah ee ilmahaagu u baahan yahay aan laga bixin karin adeegyada dugsiga. Adeegyadaa waxa ku jira kara lacag, wakhti shaqaale iyo qalab gaar ah.

Cadeynta Baahida Waxbarashada Gaar ah (SEN) waxay u kala qaybsan tahay lix qaybood.

Qaybta 1 waxay sheegaysaa magacaaga iyo adreskaaga iyo ka ilmahaaga, iyo taariikhda dhalasho ee ilmahaaga, afka guriga iyo diinta. Waxa kale oo ay liis ku qoraysaa dhamaan talada LEA ay heshay ee ka tirsan qiimeynta.

Qaybta 2 waxay bixinaysaa faahfaahinta dhamaan Baahida Waxbarashada Gaar ah (SEN) ee ilmahaaga sida lagu muujiyay qiimeynta faahfaahsan.

Qaybta 3 waxay sharaxaysaa:

- dhamaan gargaarka gaarka ah ee LEA u malaynayso in ay tahay in la siiyo ilmahaaga si loo haqabtiro baahida ku taxan qaybta 2
- waxa ay ulajeedooyinka mudada dheer yihiin
- ku-talogalka loogu talagalay sameynta yool mudo gaaban, sidii si joogto ah dib-u-fiirin loogu sameyn lahaa horumarka ilmahaaga xagga yoolkaa, iyo sida horumarka ilmahaaga loola socon karo.

Qaybta 4 waxay kuu sheegaysaa war ku saabsan dugsiga uu ilmahaaga tagi doono si uu u helo gargaarka gaarka ah ee lagu sheegay qaybta 3, ama sida wixii ah ku-talogal loo qaban doono saacadaha dugsiga ama looga hirgalin doono goobaha ka baxsan dugsiga.

Qaybta 5 waxay sharaxaysaa wixii ah baahi aan waxbarasho ahayn ee u leeyahay ilmahaagu, sida ay ka heshiiyeen LEA iyo adeegyada caafimaadka, adeegyada bulshada ama hay'adaha kale.

Qaybta 6 waxay sharaxaysaa sida ilmahaagu u heli doono gargaar si loo haqabtiro baahida aan waxbarasho ahayn ee lagu sharaxay qaybta 5.

Waa in LEA cadeynta la soo dirto koobiyada dhamaan talada ay ka helaan adiga iyo dadka iyo hay'adaha kale intii ay socotay qiimeynta faahfaahintu.

Maxaa dhici doonaa marka cadeyn loo diyaariyo ilmahaaga?

Ka hor intaan saraakiisha Baahida Waxbarashada Gaar ah (SEN) ee LEA aanay qorin cadeyn kama-dambays ah, waxay kuu soo diri doonaan 'cadeyn lagu taliyay' (proposed statement) – taasoo ah cadeyn qabyo ah. Waxa la buuxin doonaa dhamaan qaybaha kor lagu taxay, marka laga reebo qaybta 4 (ee sharaxaysa nooca iyo magaca dugsiga) oo laga tagi doono iyadoo banaan.

Waxa koobiga cadeynta qabyada ah ay LEA kuu soo raacin doontaa warqad kuu sheegaysa sida aad u sheegi kartid ra'yigaaga ku saabsan cadeynta lagu taliyay ka hor intaan laga dhigin kama-dambays. Ra'yigaaga waa la soo dhaweynayaa. Waxa dhici kartaa inaad ka fiirsatid sidii aad u heli lahayd gargaar iyo taageero dheeraad ah marka la joogo heerkan.

Ma dooran kartaa dugsiga ilmahaaga?

Waxa LEA ay kuu soo diri doontaa faahfaahinta dugsiyada ku haboon caruurta leh baahi waxbarasho gaar ah.

Waxay LEA kuu soo diri doontaa faahfaahinta dugsiyada caadiga ah iyo kuwa gaarka ah ee ku yaalla aaggaaga. Waxa kale oo ay kuu soo diri doonaan liiska dhamaan dugsiyada loo yaqaano dugsiyada gaarka ah ee ah ah nooc 'aan la taageerin' (non-maintained) iyo dhamaan dugsiyada madaxa-banaan ee u aqbalsan yahay Xoghayaha Waxbarashada iyo Farsamada ee Dawladdu (Secretary of State for Education and Skills) inay yihiin kuwo ku haboon ilmaha leh Baahida Waxbarashada Gaarka ah (SEN).

Waxa aad xaq u leedahay inaad sheegtid dugsiga dawladda ee aad doonaysid in ilmahaagu tago, kaasoo ah mid caadi ah ama gaar ah. Waxa dhici karta in kaasi yahay ka uu haddaba tago ilmahaagu. **Waa in** LEA ay ogaalato doorashadaada in alaale inta:

- dugsiga aad dooratid uu ku haboon yahay da'da, awoodda, farsamada iyo Baahida Waxbarashada Gaarka ah (SEN) ee ilmahaaga;
- aan joogista ilmahaagu aanay wax yeelli doonin waxbarashada caruurta kale ee hore u sii joogtay dugsiga; iyo
- ay meeleynta ilmahaaga lagu meeleeyo ama la geeyo dugsiga ay tahay isticmaal wacan oo lagu sameeyay adeegyada LEA.

Dugsiyada gaarka ahi waxay caadi ahaan qaataan ilmaha leh noocyo gaar ah oo ah baahi gaar ah. Waxa kale oo jirta in dugsiyada badan oo caadi ahi ay leeyihiin ku-talogal gaar ah oo loogu talagalay caruurta leh baahi gaar ah. Tusaale ahaan, waxa dhici karta inay leeyihiin hab galis dhisme oo loogu talagalay ardayda leh naafo jidhka ah ama ay leeyihiin waxbarasho loogu talagalay ardayda leh dhibaatooyin maqalka ama aragga ah ama dhibaato ah xagga akhriska iyo qorista. Waxa aad weydiisan kartaa inaad aragtid siyaasadaha dugsiyada xagga Baahida Waxbarashada Gaarka ah (SEN) si aad u ogaatid waxa ay bixin karaan. Waxa kale oo aad booqan kartaa tiro ah dugsiyada haddii aad sidaa doonaysid. Waxa LEA ay kuu soo diri doontaa faahfaahinta sida aad ugu sheegi kartid ka uu yahay dugsiga aad doonaysid.

Waxa dhici karta inaad doonaysid in ilmahaagu tago dugsi aanuu maamulin LEA – dugsi gaar ah oo aan la taageerin ama dugsi madax-banaan oo haqabtiri kara baahida ilmahaaga. Waxay LEA si taxadir leh uga fiirsan doonta rabitaankaaga ka hor intaan la gaadhin go'aan kama-dambays ah laakiin, haddii uu jiro dugsi dawladeed oo haboon, LEA ma hayso wado ay ku oggalaato in lacagta dadweynaha lagu bixiyo dugsi aan la taageerin ama madax-banaan oo ilmahaagu tago.

Go'aan ka-gaadhista dugsigii ilmahaagu tagi lahaa waa arrin muhiim ah. Mar kale, waxa muhiim ah inaad weydiisatid heshidna dhamaan warka, gargaarka iyo talada aad u baahan tahay, iyo inaad ka hadashid wixii ah walwal ee aad qabtid. Xafiiskaaga LEA iyo adeegga iskaashiga waalidku waxay ku farxi doonaan inay ku gargaaraan.

Ka hor intaanay sameyn cadeynta kama-dambaysta ah, waxa LEA ay soo qabanqaabin doonta kulan lagula yesho si looga hadlo rabitaankaaga.

Ogsoonow inuu ku soo raaci karo qof ah saaxii, qaraabo ama taageere waalid oo madax-banaan marka aad soo booqanaysid dugsiyada ama aad la kulmaysid LEA. Waxa kaloo dhici karta inaad doontid inaad la hadashid waalidka kale iyadoo la marayo hay'adaha tabaruca ee degmada iyo kooxaha waalidka.

Waxa LEA laga rabaa inay la tashadaan dugsiyada ka hor intaan lagu magacaabin cadeynta, laakiin LEA ayaa sameysa go'aanka kama-dambaysta ah. Si buuxda ayay kuu wargalin doonaan waxana mar walba ay kuu sharixi doonaan go'aankooda.

Haddii aanad doonaynin inaad sheegtid magaca dugsi laakiin aad doonaysid in ilmahaagu tago dugsi dawladeed oo caadi ah, waa inaad sidoo kale u sheegtid LEA.

Ka dibna waa inay siiyaan ilmahaaga meel ah dugsi caadi ah in alaale inta:

- tagista ilmahaagu tago meeshaa aanay waxyeello u geysanaynin waxbarashada ilmaha kale ee hore u joogay dugsiyada; iyo
- aanay jirin talaabooyin waxqabad ah oo dugsi ama LEA ay sameyn karaan si loo joojiyo in joogista ilmahaagu saameeyso waxbarashada ilmaha kale.

Mudo intee leeg ayaad haysataa oo aad faallo ku sameysid?

Marka LEA kuu soo dirto cadeyn qabyo ah, waxa aad haysataa 15 cisho oo aad kaga faalootid dhamaan qaybaha cadeynta -- iyo inaad sheegtid dugsiyada dawladda, ama dugsiyada gaarka ah ee aan la taageerin ama dugsiyada madax-banaan ee aad doonaysid in ilmahaagu tago.

Waxa aad weydiisan kartaa kulan aad la yeelatid LEA si looga wada hadlo cadeynta qabyada ah. Kulanka ka dib waxa aad haysataa 15 cisho oo aad ku weydiisan kartid kulanno kale oo aad la yeelatid LEA. Inta lagu jiro gudaha 15 cisho oo ka bilaabmaya kulankaagii ugu dambeeyay ee aad la yeelatay LEA, waxa aad awoodi kartaa inaad wixii ah faallo dheeraad ah ee aad haysid soo dirtid, LEA na way ka fiirsan doontaa. Haddii aad doonaysid wakhti dheeraad ah oo aad faallo ku sameysid, waa inaad la hadashid Sarkaalka la Magacaabay (Named Officer).

Goorma ayay LEA sameyn doontaa cadeynta ugu dambeysa?

Caadi ahaan, waa in LEA ay sameeyso cadeynta ugu dambeysa sideed todobaad gudahood marka la sameeyo cadeynta qabyada ah. Waxay kuu soo diri doonaan koobiga cadeynta waxana ay noqon doonta mid qaybta 4 lagu buuxiyay magacaga dugsi.

Cadeyntu waxay hirgalaysaa isla wakhtiga ay LEA sameeyso. Marka laga bilaabo wakhtigaa waa in LEA ay dugsiyada ilmahaaga siiso wixii ah adeegyo dheeraad ah ee dugsiyada u baahan yahay. Waa in maamuleyaasha dugsiyada ay sameeyeen dadaalkooda ugu wacan si loo habsado in ilmahaagu helo gargaarka waxbarasho ee gaarka ah ee lagu qoray cadeynta.

Ka waran haddii LEA ay go'aan ku gaadho in ilmahaagu aanuu u baahnayn cadeyn?

Haddii aanad raalli ka ahayn waxa ku qoran cadeynta, waa inaad marka ugu horeysa sharaxaad weydiisid Sarkaalkaaga la Magacaabay (Named Officer) ee jooga LEA. Waxa kale oo faa'iido yeellan kara la-hadalka adeegga iskaashiga waalidka ee degmadaada. Haddii aanad wali ku faraxsanayn, waxa aad xaq u leedahay inaad racfaan u qaadatid Maxkamadda Baahida Waxbarashada Gaarka ah (Special Educational Needs Tribunal) adiga oo ka dacwoonaya waxa ku qoran:

- qaybta 2, sharaxaadda Baahida Waxbarashada Gaarka ah (SEN) ee ilmahaaga
- qaybta 3, gargaarka la siinayo Baahida Waxbarashada Gaarka ah (SEN) ee ilmahaaga
- qaybta 4, nooca iyo magacaga dugsiga la rabo in ilmahaagu tago.

Waa in LEA kuu sheegto ku-talogalka degmada ee loogu talagalay xalinta khilaafka iyo xaq aad u leedahay racfaan aad u qaadatid Maxkamadda Baahida Waxbarashada Gaarka ah (SEN). Waxa aad xaq u leedahay inaad racfaan u qaadatid Maxkamadda Baahida Waxbarashada Gaarka ah xiitaa haddii aad isku dayaysid in khilaafka idinka dhexeeya LEA loo xaliyo si dabacsan (eeg bogga 36).

Xusuuso haddii aad dooratid inaad racfaan u qaadatid Maxkamad, waxa jira xad wakhti la rabo in aad taa ku sameysid.

Ka waran haddii aanad raalli ka ahayn go'aanka LEA?

Xiitaa haddii LEA aanay sameynin cadeyn, waxay adiga iyo dugsiga u soo diri karaan koobiyada dhamaan talada ay ka heleen adiga iyo dadka kale iyo hay'adaha mudada ay socoto qiimeynta faahfaahsan.

Qiimeynta ka dib, waxay LEA go'aan ku gaadhi kartaa in dugsiga ilmahaagu awoodi karo inuu bixiyo gargaarka gaarka ah ee loogu talagalay Baahida Waxbarashada Gaarka ah (SEN) ee ilmahaaga iyada oo aan loo baahan cadeyn. Waxay LEA caadi ahaan go'aanka kuu sheegi doontaa gudaha 12 todobaad marka la bilaabo qiimeynta faahfaahsan.

Waxa LEA ay wax badan ka baran doontaa baahida ilmahaaga marka la sameeyo qiimeynta faahfaahsan. Xiitaa haddii ay go'aan ku gaadhaan inaanay sameyn qiimeyn, waa inay adiga iyo dugsiga ilmahaaga la wadaagaan wax ay ogaadeen. Ka dib waxa dhici karta in LEA ay qorto waxa loogu yeedho '**xusuus beddelaysa cadeyn**' (note in lieu of a statement).

Dib-u-fiirinta cadeynta ee sannadlaha ah

Haddii aad u malaynaysid in go'aanka LEA u khalad yahay lana rabo inay cadeyn u sameeyaan ilmahaaga, waa inaad marka ugu horeysa la hadashid LEA iyo dugsiga. Waxa kale oo aad xaq u leedahay inaad weydiisid LEA xal dabacsan oo lagu xaliyo khilaafka, sidoo kalena waxa aad xaq u leedahay inaad racfaan u qaadatid Maxkamadda Baahida Waxbarashada Gaarka ah. Waxa aad ikhtiyaarkaa kala hadli kartaa adeegga iskaashiga waalidka ee degmadaada.

Dib-u-fiirinta cadeynta ee sannadlaha ah

Waa in LEA ay hubiso horumarka ilmahaaga una hubsato in cadeyntu sii ahaato mid haqabtiraysa Baahida Waxbarashada Gaarka ah (SEN) ee ilmaha. Waa inay dib u fiiriyaan cadeynta **ugu yaraan** mar sannadkii, laakiin in intaa ka badan ayay dib u fiirin karaan haddii ay u malaynayaan in taasi lagama-maarmaan tahay.

Dib-u-fiirinta sannadlaha ah waxay u kala qaybsan tahay afar qaybood:

- ururinta warka
- qabashada shir dib-u-fiirin oo sannadle ah
- warbixinta macallinka madaxa ahi uu ka sameeyay shirka dib-u-fiirinta sannadlaha ah ee loo soo gudbiyay LEA
- dib-u-fiirinta ay LEA ku sameysay cadeynta.

Dugsiga ilmahaaga ayaa warqad kuu soo qori doona, kuu sheegaysa taariikhda shirka dib-u-fiirinta kuguna martiqaadaysa inaad ka soo qaybgashid. Ka hor shirka, dugsiga ayaa kaa codsan doona inaad soo dirtid ra'yigaaga ku saabsan horumarka ilmahaaga sannadkii hore. Dugsiga, adeegga iskaashiga waalidka, hay'ad tabaruc ama koox waalid ayaa kaa caawin karta bixinta ra'yigaaga.

Ogsoonow – ra'yigaagu aad buu muhiim u yahay.

Waxa kale oo dhici karta in dugsigu uu codsado ra'yiga qoran ee xirfadleyaal kale oo yaqaana lana shaqeeya ilmahaaga. Ka hor shirka dib-u-fiirinta, dugsigu waxa uu kuu soo diri doonaa koobiyada dhamaan ra'iyada ay heleen.

Macallimiinta ilmahaaga ayaa ilmahaaga u dajiyay ama sameeyay yool ama hadaf wax yar ka dib markii ugu horeysay ee la soo saaray cadeynta. Waxa dhici karta in kuwaasi ku qoran yihiin Qorshaha Waxbarashada Qofka (IEP). Marka la joogo shirka dib-u-fiirinta sannadlaha ah, adiga, ilmahaaga iyo macallimiinta ilmahaaga, iyo marrarka qaarkood dad kale oo intii sannadka lagu jiray soo caawinayay ilmahaaga, ayaa eegi doona sida ilmahaagu horumar uga gaadhay yoolka ama hadafka loo dajiyay waxana la isku afgaran doonaa yool cusub oo loogu talagalay sannadka soo socda.

Waxa kale oo shirku eegi doonaa wixii ah warbixinno qoran oo la bixiyay iyo cadeynta ilmahaaga, waxana la eegi doonaa haddii cadeyntu u baahan tahay in wax lagala beddelo.

Shirka dib-u-fiirinta waxa caadi ahaan lagu qaban doonaa dugsiga ilmahaaga. Waxa shirka kuu soo raaci kara saaxiib, la-taliye ama taageere waalid oo madax-banaan. Waa muhiim inaad tagtid shirka dib-u-fiirinta. Waa in ugu yaraan qayb ka mid ah shirka uu ilmahaagu ku soo raaci karo. Waxa muhiim in ah la ogaado ra'yiga uu ilmahaaga ku qabo horumarkii sannadkii hore, iyo rajadiisa wakhtiga soo socda.

Ka dib marka la dhageysto ra'yiga qof kasta oo jooga shirka dib-u-fiirinta, dugsigu waxa uu sameyn doonaa hadaf cusub. Macallinka madaxa ah ayaa warbixin u soo diri doonaa LEA kaasoo ku talinaya wixii ah isbeddel ee dadkii joogay shirka (oo ay ku jiraan adiga iyo ilmahaagu) ay dareemeen in lagu sameeyo cadeynta. Dugsiga ayaa koobi kaaga soo diri doona warbixintooda. Waa in macallinka madaxa ahi warqad u diro LEA gudaha 10 cisho oo ah maalmaha shaqada oo ka bilaabmaya maalinta shirka dib-u-fiirinta sannadlaha ah ama marka la gaadho dhamaadka xilliga waxbarashada, hadba labadaa ka soo dhow.

Isbeddel ma lagu sameyn karaa cadeynta?

LEA ayaa go'aan ka gaadhi doonta haddii ay wax isbeddelo ah ku sameynayaan cadeynta ilmahaaga iyo haddii kale. Ka dibna waxay warqad u qori doonaan adiga, dugsiga ilmahaaga iyo xirfadleyda ka qaybgashay dib-u-fiirintii sannadlaha ahayd. LEA ayaa kuu sheegi doonta wixii ah isbeddelo ee ay doonayaan inay sameeyaan iyo sababhooda, waxana ay ku weydiin doonaan ra'yigaaga.

Guda 15 cisho marka aad war ka heshid LEA, waxa aad weydiisan kartaa shir lagaga hadlayo isbeddelada ay doonayaan inay sameeyaan. Waa in LEA ay ka fiirsato ra'yigaaga ka hor intaanay sameynin wax isbeddel ah. Waa in LEA ay kuu sheegaan go'aankooda kama-dambaysta ah iyo wixii ah isbeddelo ay sameeyeen gudaha sideed todobaad marka ay ku taliyaan isbeddel.

Waxa dhici karta in dib-u-fiirinta sannadlaha ahi ay keento isbeddelo ku dhaca cadeynta ilmahaaga. Tusaale ahaan, isbeddelo ayaa la sameyn karaa haddii:

- baahida ilmahaagu ay wax badan isbeddeshay
- ay LEA go'aan ku gaadho in noocyo kala duwan oo gargaar ah ay lagama-maarmaan yihiin
- la rabo in ilmahaagu tago dugsiga kale.

Waxa mar kasta lagu weydiin doonaa fikradaada ka hor intaan wax isbeddelo ah la sameyn. Dib-u-fiirinta sannadlaha ahi mar kasta ma keeni doonto isbeddelo lagu sameeyo cadeynta ilmahaaga. Laakiin inkastoo ay LEA ku talin karto isbeddelo wakhti kasta sannadka gudahiisa, waxay u badan tahay in isbeddelada la sameeyo ka dib dib-u-fiirinta sannadlaha ah.

Haddii aad doonaysid in gargaar lagaa siiyo ka-hadlidda talooyinka ama aad kaliya u baahan tahay talo, waxa aad weydiin kartaa adeegga iskaashiga waalidka ee degmada.

Haddii isbeddeladu ay tirsan yihiin qaybta 4 ee cadeynta (taasoo ah in LEA ay doonayso in la beddelo magaca dugsiga), waxa aad leedahay isla xuquuqda doorashada dugsiga ee aad lahayd markii ugu horeysay ee la sameeyay cadeynta ilmahaaga (eeg bogga 22). Sidaa daraadeed ka hor intaan intaan la gaadhin wakhtigii ilmahaagu ka wareegi lahaa dugsiga ilmaha yaryar ee uu u wareegi lahaa dugsiga hoose, ama uu ka wareegi lahaa dugsiga hoose ee uu u wareegi lahaa dugsiga sare, waxa aad u muhiim ah in adiga, dugsiga ilmahaaga ee imminka iyo LEA aad si taxadir leh uga fikirtiin dugsiga ku xiga ee la rabo in ilmahaagu tago.

Talooyinka ka soo baxay dib-u-fiirintii ugu dambaysay ee sannadlaha ahayd ee ka horeysay wareejinta aad bay muhiim ugu noqon doonaan sidii adiga iyo LEA looga gargaari lahaa go'aan ka-gaadhista nooca dugsiga la rabo in ilmahaagu tago. Waa in LEA ay beddesho qaybta 4 ee cadeynta ugu dambeyn 15-ka Bisha Labaad sannadka la rabo in ilmahaaga laga beddelo dugsiga.

Waxa kale oo aad xaq u leedahay inaad LEA weydiisatid in la beddelo magaca dugsiga ee ku qoran cadeynta ilmahaaga. Waxa aad ka codsan kartaa LEA dugsiga kale haddii ay ka soo wareegtay 12 bilood mudadii aad hore u codsatay beddelis magac dugsiga ama ilaa mudadii la sameeyay cadeynta ama wax laga beddelay.

Ka waran haddii aanad raalli ka ahayn isbeddelada LEA?

Haddii LEA ay beddesho cadeynta – taasoo la yidhaahdo **cadeynta la kabay ee kama-dambaysta ah ee baahida waxbarashada gaarka ah 'amended final statement of special education needs'** – waxa aad leedahay isla xuquuqii aad lahayd markii ugu horeysay ee cadeynta la sameeyay. Waa in LEA kuu sheegto warka ku-talogalka degmada ee loogu talagalay xalinta khilaafka iyo xaq aad u leedahay racfaan aad u qaadatid Maxkamadda Baahida Waxbarashada Gaarka ah. Waxa aad xaq u leedahay inaad racfaan u qaadatid Maxkamada Baahida Waxbarashada Gaarka ah (SEN Tribunal) adiga oo racfaan ka qaadanaya wixii ah isbeddel lagu sameeyay sharaxaadda cadeynta Baahida Waxbarashada Gaarka ah (SEN) ee ilmahaaga (qaybta 2), noocyada gargaarka waxbarashada gaarka ah ee la bixinayo (qaybta 3) iyo magaca dugsiga ilmahaagu tagi doono (qayb 4). Waxa aad xaq u leedahay inaad racfaan u qaadatid Maxkamadda Baahida Waxbarashada Gaarka ah (SEN Tribunal) isla wakhtiga aad isticmaalaysid adeegga xalinta khilaafka (eeg bogga 36).

Qorsheynta gala-guurka

Haddii ilmahaagu uu leeyahay cadeyn baahi waxbarasho gaar ah, waxa aad u muhiim ah dib-u-fiirinta sannadlaha ah ee sannadka 9-aad marka la diyaarinayo u-guuristooda waxbarasho kale iyo nolol qof weyn. Dib-u-fiirintaasi waxa ka qaybgali kara dhamaan dadka iyo hay'adaha ka ciyaari doono door weyn nololsha ilmahaaga marka uu dugsiga ka baxo. Waxa kuwaa ku jiri doono 'Connexions Service' (Adeegga Xidhiidhka) (eeg bogga 39) waxa kale oo ku jiri doona qaybta adeegyada bulshada ee degmadaada.

Dib-u-fiirintaasi waxay ka fiirsan doontaa yoolka iyo cadeynta ilmahaaga, waxa kale oo ay ka hadli doontaa **Qorshe Kala-guur** oo loogu talagalay u-guurista uu ilmahaagu u guurayo nolol qof weyn. Waxay u badan tahay in ilmahaagu uu la shaqeyn doono La-taliye Gaar ah (Connexions Personal adviser) si loo qoro qorshe hawl-gal oo gaar ah oo loogu talagalay in lagaga hadlo shirka dib-u-fiirinta. Waa in macallinka madaxa ahi u habsado in Qorshaha Kala-guurka la dhameystiro ka dib shirka.

Qorshaha Kala-Guurka waa laga hadli karaa lana beddeli karaa, haddii loo baahdo, marka la joogo shirarka dib-u-fiirinta ee dambe. Adiga iyo ilmahaaga waxa la idin weydiin doonaa inaad gargaar ka geysataan Qorshahan.

Ikhtiyaarka ka dib 16 jir – ilmahaagu ma awoodi doonaa inuu ku sii jiro dugsiga?

Waxbarashada dadka da'da yar ee leh Baahi Waxbarasho Gaarka ah (SEN) kuma joogsato da'da 16. Iyadoo taasi ku xidhan tahay xiisaha iyo awoodaha ilmahaaga, waxa ilmuhu sii joogi karan dugsi caadi ah ama dugsi gaar ah, ama waxay u wareeji karaan koleej si ay u helaan waxbarasho dheeraad ah ama u galaan tababar shaqo la xidhiidha. Dugsiyo badan ayaa leh koorasyo la 'xidhiidhsan' koleejyada si ardayda ku jirta sannadahooda ugu dambeeya dugsiga ay koleejka u dhigan karaan iyadoo taasi tahay hab ah wakhti badh ahaan ah. Koorasyadaasi waxay dadka da'da yar u sii diyaariyaan waxbarasho dheeraad ah iyadoo fursad u siinaya inay dhadhansadaan koleejka iskuna dayaan tiro ah mawduucyo cusub.

Waxbarasho dheeraad ah ayaa loo heli karaa dhamaan dadka da'da yar ee dhaafay da'da 16. Haddii ilmahaagu leeyahay cadeyn Baahi Waxbarasho Gaar ah (SEN), qof kasta oo lug ku leh qorshaha kala-guurka ayaa ka firsan doona suurogalka waxbarasho dheeraad ah.

Laga bilaabo Bisha Afraad 2002, haddii ilmahaagu leeyahay cadeyn doonayana inuu dugsiga ka baxo dhamaadka sannadka 11-aad si uu u tago waxbarasho koleej oo dheeraad ah ama tababar la xidhiidha shaqo, adeegga 'Connexions Service' ayaa sameyn doona qiimeyn kale. Adeegga 'Connexions Service' waxa uu qiimeyn doona waxa loo baahan yahay in la bixiyo si ilmahaaga ay suurogal ugu noqoto inuu sii wado waxbarashadiisa ama tababarkiisa. Adeegga 'Connexions Service' waxa uu isticmaali doonaa warka ku qoran cadeynta ilmahaaga. Adeegga 'Connexions' waxa uu qiimeyntaa u sameyn karaa dadka kale ee da'da yar ee leh Baahida Waxbarashada Gaarka ah (SEN) ee ku talo-jira inay helaan waxbarasho dheeraad ah am tababar, ma aha kaliya kuwa leh cadeyn ee ku jira sannadka 11-aad. Adeegga 'Connexions' waxa uu la shaqeyn doonaa bixiyeyaasha waxbarashada dheeraadka ah iyo tababarada si loo habsado in ilmahaagu helo gargaarka uu u baahan yahay.

Jaamacadaha iyo koleejyadu waxay siiyaan ardayda laga bilaabo da'da 18 waxbarasho ah heer dhaafsan Shahaadada Dugsiga Sare Heerka A (GCE A-level). Waxay taasi u furan tahay dhamaan dadka da'da yar ee leh awood ay kaga faa'iideystaan.

Haddii aad qabtid wax su'aalo ah oo ku saabsan ikhtiyaarka la kala dooranayo ee u furan ilmahaaga ka dib da'da 16, adeegga 'Connexions Service' iyo dugsiga ilmahaaga ayaa siin kara adiga iyo ilmahaaga gargaar iyo talo.

Mudo intee leeg ayaa cadeyntu jirtaa?

Ilmahaagu waxa uu yeelan karaa cadeyn socota mudada dugsiyiisa oo dhan, ama kaliya qayb ka mid ah. Iyadoo la isticmaalayo dib-u-fiirinta sannadlaha ah ee cadeynta ilmahaaga, waxay LEA go'aan ku gaadhi kartaa in ilmahaagu sii wadi karo inuu sameeyo horumar wacan iyadoo la adeegsanayo gargaarka dheeraadka ah ee dugsi caadi ahi bixin karo. Haddii ay taa sameeyaan, waxay joojin karaan cadeynta ilmahaaga.

Haddii LEA ay doonayso inay joojiso cadeynta ilmahaaga, warqad ayay kuu soo qori doonaan kuuna sheegi doonaan, iyadoo sheegaya sababahooda. Haddii aanad raalli ka ahayn, waa inaad u sheegtid. Haddii LEA ay ka dib joojiso cadeynta walina aanad raalli ka ahayn, waxa aad codsan kartaa in khilaafka lagu xaliyo hab dabacsan, isla wakhtigaana, waxa aad xaq u leedahay inaad racfaan u qaadatid Maxkamadda Baahida Waxbarashada Gaarka ah.

Waxay LEA joojin doontaa cadeynta haddii ilmahaagu ka tago dugsiga ka dib sannadka 11-ad. Haddii ilmahaagu sii joogo dugsiga, LEA way sii hayn kartaa cadeynta ilaa ay ka gaadhayaan 19 ama ilaa dhamaadka sannad-dugsiyeedka, si loo habsado inay dhameeyaan kooras.

Ma weydiisan kartaa in ilmahaaga mar kale la qiimeeyo?

Xiitaa haddii ilmahaagu leeyahay cadeyn, adiga iyo dugsiga ilmahaagu waxay codsan karaan qiimeyn faahfaahsan oo cusub. Waa in LEA sameyso qiimeyn cusub in alaale inta:

- aan ilmahaaga la qiimeyn lixdii bilood ee ugu dambaysay; iyo
- LEA raalli ka tahay in qiimeyn faahfaahsan oo kale loo baahan yahay.

Waxa LEA ay go'aan uga gaadhi doonta in qiimeyn cusub loo baahan yahay iyo in kale isla habkii la isticmaalay markii ugu horeysay ee ay go'aan ku gaadheen in la qiimeeyo ilmahaaga. Laakiin waxa kale oo ay ka fiirsan doonaan haddii ay jiraan wax ah isbeddelo muhiim ah oo ku dhacay nololaha ama Baahida Waxbarashada Gaarka ah (SEN) ee ilmahaaga. Waxay LEA kuu sheegi doontaa haddii ay go'aan ku gaadhen in dib loo qiimeeyo ilmaha, haddii aanay go'aankaa gaadhin na waxay kuu sheegi doonaan sababaha. Haddii aanad raalli ka ahayn go'aankaa, waxa aad racfaan u qaadan kartaa Maxkamadda Baahida Waxbarashada Gaarka ah (eeg bogga 36).

Maxaa dhaca haddii aad u guurtid LEA ku taalla aag kale?

Haddii aad guuraysid, waa inaad u sheegtid dugsiga ilmahaaga iyo LEA. Waxa kale oo la rabaa inaad kala hadashid xafiiskaaga LEA ee imminka iyo xafiiskaaga LEA ee cusub adiga oo kala hadlaya baahida ilmahaaga iyo habka ugu wacan ee loo hubin karo in la sii wado haqabtirka baahida.

Marka aad guurtid, xafiiskaaga LEA ee hore waxa uu cadeynta ilmahaaga u soo diri doonaa xafiiskaaga LEA ee cusub, isla markaana dugsiga ilmahaaga waxa uu dugsiga cusub u soo diri doonaa dhamaan diiwaanada dugsiga ee ilmahaaga.

Waa in marka dib xafiiska cusub ee LEA u habsado in ilmahaagu helo dhamaan gargaarka waxbarasho ee gaarka ah ee lagu qoray cadeynta. Lix todobaad gudahood marka la helo cadeynta ilmahaaga, waa in xafiiska LEA ee cusubi kuu sheego goorta ay dib u fiirin doonaan cadeynta ama haddii ay ku dhaqaaqi doonaan inay ilmahaaga u sameeyaan qiimeyn faahfaahsan oo cusub.

Haddii aad guurtid masafo ama fogaan yar kaliya, waxa dhici karta inay suurogal u tahay ilmahaaga inuu sii joogo isla dugsiga uu tago. Haddii aad meel sidaa u sii fog u guurtid, waxa dhici karta in ilmahaaga ay qasab ku noqoto inuu bilaabo dugsiga cusub ka hor intaan xafiiskaaga LEA ee cusubi aanuu dib u fiirin cadeynta ama sameynin qiimeyn faahfaahsan. Laakiin haddii aad wali ku nooshahay meel dhow, ilmahaagu waa uu joogi karaa isla dugsiga, ugu yaraan ilaa xafiiska LEA ee cusubi dib u fiirano cadeynta, haddii loo baahdo wax ka beddelo cadeynta.

Haddii ilmahaagu tago dugsiga gaar ah oo aan la taageerin ama dugsiga madax-banaan, waa in xafiiska LEA ee cusubi bixiyo wixii ah kharash ee u bixin jiray xafiiskaagii LEA ee hore, ugu yaraan inta ay ka beddelayaan cadeynta. Haddii ilmahaagu tago dugsiga la seexo, waa in xafiiska LEA ee cusubi bixiyo dhamaan wixii ah kharash uu xafiiskaagii LEA ee hore bixin jiray, ugu yaraan inta ay ka beddelayaan cadeynta.

Ogsoonow – waxa aad xaq u leedahay inaad LEA u sheegtid ra'yigaaga ka hor intaanay sameynin wax isbeddel ah.

Xusuuso, mida kale, haddii aanad raalli ka ahayn isbeddel ay LEA sameyso, waxa aad codsan kartaa in khilaafka lagu xaliyo hab dabacsan iyo in, isla wakhtigaa, aad racfaan u qaadatid Maxkamadda Baahida Waxbarashada Gaarka ah.

Maxaa dhaca haddii aad is khilaafsan tihiin LEA?

Adiga, dugsiga ilmahaaga iyo LEA waxa aad shuraako ku tihiin waxbarashada ilmahaaga. Waxay si buuxda kuula socodsiiin doonaan wakhti kasta warka waxbarashada ilmahaaga. Waa in aqoontaada ilmahaaga, oo lagu daray aqoonta dugsiga iyo LEA u leeyihiin tiro badan oo ah caruur leh Baahi Waxbarasho Gaar ah (SEN), ay u keento gargaar sax ah oo si dhakhso ah loo siiyo ilmahaaga.

Haddii, heer kasta ha la joogee, aanad raalli ka ahayn go'aan, la hadal dugsiga ilmahaaga ama Sarkaalka la Magacaabay oo isagu ka soo shaqeeyay arrinta ilmahaaga. Waxay ku farxi doonaan inay kaala hadlaan walwalkaaga. Xaaladaha intooda badan, dhibaataada si dhakhso ah ayaa loo xalin karaa.

Adeegga iskaashiga waalidka ee degmada, hay'adaha tabaruca iyo kooxaha waalidka ayaa kaa caawin kara sidii aad ra'yigaaga ugu gudbin lahayd LEA, waxana ay ku siin karaan talo ku saabsan waxa ay LEA tidhaahdo.

Waxa aad u muhiim ah inaad ra'yigaaga si furfuran kala hadashid LEA iskuna daydid inaad la heshiisid iyaga marka taasi suurogal tahay. Waxa dhici kartaa inaanad ka helin go'aanka LEA, laakiin sii wadida khilaaf mar kasta kuma jirto danta ilmahaaga.

Haddii aanad la heshiin karin LEA, waxa aad ka codsan kartaa inay diyaariyaan sidii khilaafka loogu dhameyn lahaa hab dabacsan. Xafiiska kasta oo LEA waxa uu leeyahay adeeg xalin khilaaf oo madax-banaan. Waxay dhageysan doonaan ra'yigaaga iyo ka LEA waxan ay labadiinaba idinka caawin doonaan inaad heshiis gaadhaan. Waxa aad dooran kartaa haddii aad doonaysid inaad isticmaashid adeeggaa isla markaana ma saameynayso xaqa aad u leedahay racfaan aad u qaadatid Maxkamad. Qof gebi ahaanba ka madax-banaan dugsiga ama LEA ayaa soo diyaarin doona shir qof kasta oo lug ku leh arrinta uu ku sheegi karo ra'yigiisa kana fiirsan karo sidii loo xalin lahaa khilaafka.

Waa maxay adeeg iskaashi waalid?

Adeegyada iskaashiga waalidku waxay siiyaan taageero iyo talo waalidka caruurtoodu leeyihiin Baahi Waxbarasho Gaar ah (SEN). Waxay bixiyaan war sax ah oo dhexdhexaad ah oo ku saabsan dhamaan ikhtiyaarka u banaan waalidka. Ma raacaan dhinac ama ma taageeraan dhinac. Waxay waalidka ka caawiyaan inay gaadhaan go'aamo warhayn leh oo ku saabsan waxbarashada caruurtooda. Marka waalidku doonayaan taageere waalid oo madax-banaan, waa in adeeggu bixiyo taa. Waxa aad liiska lambarada teleefonada ee lala xidhiidhi karo ka heli kartaa dhabarka buuggan yar.

Waa maxay adeeg xalin khilaaf?

Adeegyada xalinta khilaaf waxay bixiyaan hab dabacsan oo lagu joojiyo laguna xaliyo khilaafka ka dhex dhaca waalidka (caruurtoodu leedahay Baahi Waxbarasho Gaar ah (SEN)) iyo LEA ama dugsiga (dugsiyada madax-banaani waxa kaliya ee ay taa ku jiri doonaan marka lagu magacaabay cadeynta). Tani waa adeeg dheeraad ah oo waalidku isticmaali karaan haddii ay doonayaan. Adeegga waxa loo farsameeyay inuu noqdo hab si dhakhso ah oo dabacsan loogu xaliyo dhibaatooyinka. Icticmaalka adeeggu ma saameyn doono xaqa aad u leedahay inaad racfaan u qaadatid Maxkamada Baahi Waxbarasho Gaar ah (SEN Tribunal).

Waa maxay Maxkamadda Baahida Waxbarashada Gaarka ahi?

Maxkamadda Baahida Waxbarashada Gaarka ahi (Special Educational Needs Tribunal) waa hay'ad madax-banaan oo dhageysata racfaanka waalidku ka qaataan go'aamada LEA ee ku saabsan qiimeynta faahfaahsan iyo cadeymaha.

Waxa aad racfaan u qaadan kartaa Maxkamadda Baahida Waxbarashada Gaarka ah haddii:

- LEA ay diido inay sameeyaan qiimeyn faahfaahsan oo ku saabsan ilmahaaga ka dib marka aad ka codsatid
- LEA diido inay ilmahaaga u sameeyaan cadeyn ka dib marka loo sameeyay qiimeyn
- aanad raalli ka ahayn qaybta 2, qaybta 3 ama qaybta 4 ee cadeynta ilmahaaga, wakhtiga ugu horeysa ee cadeyntaa la sameynayo ama haddii mar dambe la beddelo
- uu ilmahaagu imminkaba leeyahay cadeyn, isla markaana LEA ay diido in ilmahaaga la qiimeeyo mar kale ama la beddelo magaca dugsiga ku qoran cadeynta
- LEA go'aan ku gaadho in la joojiyo cadeynta ilmahaaga.

Maxkamaddu waxay ku taalla Landhan laakiin, wixii ka baxsan Koonfur Bari (South East), racfaanka waxa lagu dhageystaa degmada. Maxkamaddu waxay ka kooban tahay saddex qof. Mid ka mid ahi waxa uu noqon doonaa Guddoomiyaha, oo noqon doonaa qareen ama looyar. Labada kale waxay noqon doonaan dad khibrad u leh Baahida Waxbarashada Gaarka ah (SEN).

Kaligaa ayaad Maxkamadda tagi kartaa, ama hay'adaha tabaruca ama kooxaha waalidka ayaa kaa caawin kara inaad diyaarisid kiiskaaga kuna raaci kara. Waxa kale oo aad codsan kartaa ilaa laba qof oo yaqaana ilmahaaga inay kaaga hadlaan Maxkamadda.

Maxkamaddu waxay eegi doontaa maragga waxana ay gaadhi doonaan go'aan kama-dambays ah. Marka ay gaadhayaan go'aanka, waxa Maxkamaddu ka fiirsan doontaa sida hawlqabadka LEA ugu dhigmo tilmaan-bixinta lagu dajiyay Xeerka Dhaqanka ee Baahida Waxbarashada Gaarka ah (SEN Code of Practice). Iyadoo kaliya sababtu tahay LEA inaanay raacin Xeerka, mar kasta lama macno noqon doonto in go'aankoodu khalad ahaa. Laakiin Maxkamaddu waxay LEA ka filii doontaa inay sharaxdo sababta aanay u raacin tilmaan-bixinta Xeerka marka taasi tahay mid qiime u leh go'aanka ay gaadheen.

Mudo intee leeg ayaa la raba inaad racfaan ama ambiil ku qaadatid?

Waxa muhiim ah inaan habka racfaanku aanu dib u ridin gargaarka waxbarashada gaarka ah ee ilmahaagu u baahan yahay. Sababtaa daraadeed, waa inaad racfaan Maxkamadda ka codsatid mudo aan ka dambeynin laba bilood ka dib marka LEA kuu sheegto go'aankooda. Marrar dhif ah kaliya ayay suurogal tahay in wakhtigaa xadka ah la kordhiyo.

Waxa aad war dheeraad ah oo ku saabsan Maxkamadda ka heli kartaa buug yar oo gaar ah. Waxa aad buuggaa yar ka heli kartaa xafiiskaaga LEA ama Maxkamadda Baahida Waxbarashada Gaarka ah (SEN Tribunal) oo adreeskeedu yahay:

50 Victoria Street
London, SW1H 0NW
Teleefon: 01325 392 555

Ka waran haddii Maxkamadu aanay qaadi karin dacwadaada?

Waxa dhici karta inay suurogal tahay inaad dacwad u gudbisatid Garsooraha Dawladda Hoose (Local Government Ombudsman) haddii dacwadaadu ay ku saabsan tahay wax aan Maxkamaddu aanay qaadi karin. Tusaale ahaan, haddii dacwadaadu ku saabsan tahay ku-dhicidda ay LEA ku dhacday:

- inay wax ku qabato xadka wakhtiga
- ay u habsato in gargaarka ilmahaagu u baahan la siiyo, sida uu ugu qoran yahay cadeynta

Waxa aad war dheeraad ah oo ku saabsan Garsooraha Dawladda Hoose ka heli kartaa buug gaar ah. Waxa aad buugga yar ka heli kartaa LEA, ama Garsooraha oo adreeskiisu yahay:

Commission for Local Administration in England
21 Queen Anne's Gate
London, SW1H 9BU
Teleefon: 020 7915 3210

Qeexidda

Dib-u-fiirinta sannadlaha ah

Dib-u-fiirinta sannadlaha ah ee cadeynta Baahida Waxbarashada Gaarka ah (SEN).

Adeegga 'Connexions Service'

Waa adeeg loogu talagalay inuu gargaaro dhamaan dhalinta da'doodu tahay 13 ilaa 19 si loogu diyaariyo u-guurista nolol qof weyn.

Goobaha waxbarashada hore

Dhamaan waxsharashada ka horeysa dugsiga rasmiga ah sida fasallada iyo dugsiyada xanaanada sii-haynta ilmaha (nursery), xanaanada sii-haynta ilmaha iyo kooxaha ciyaaraha.

Taageere waalid oo madaxa-banaan

Waa qof taageeri kara waalidka, tusaale ahaan, isagoo tagaya shirarka, waalidka ku dhiirgalinaya inay ka qaybgalaan wixii ku saabsan waxbarashada ilmahooda; waxa kaloo uu waalidka ka caawiyaa fahmidda habka shaqeynta Baahida Waxbarashada Gaarka ah (SEN).

Maamulka Waxbarashada Degmada (LEA)

Waa hay'ad dawladeed oo masuul ka ah bixinta waxbarashada iyo sameynta qiimeynta faahfaahsan iyo ka-shaqeynta cadeymaha.

Dugsi caadi ah

Waa dhamaan dugsiyada caadiga ah ee loogu talagalay dhamaan ilmaha, ee aan loogu talogalin kaliya ilmaha leh Baahi Waxbarasho Gaar ah (SEN). Waxa kaasi caadi ahaan noqon doonaa dugsi dawladeed, inkastoo u noqon karo dugsi madax-banaan, kaasoo ah 'City Technology College,' 'City College of Technology of the Arts,' ama 'City Academy.'

Dugsi la taageero

Waa dugsi dawladeed.

Sarkaalka la Magacaabay

Waa qof jooga LEA oo ku shaqo leh arrinta ilmahaaga.

Xeerka Dhaqanka SEN

Baahi waxbarasho gaar ah (SEN)

Waa tilmaan-bixin loogu talagalay goobaha waxbarashada hore, dugsiyada dawladda iyo maamulka waxbarashada degmada (LEA); waxa uu ku saabsan yahay gargaarka ay siin karaan ilmaha leh baahi waxbarasho gaar ah. Waa in dugsiyada iyo maamulada waxbarashada degmooyinku (LEA) ay xisaabta ku daraan Xeerkaa marka ay la shaqeynayaan ilmo leh baahi waxbarasho gaar ah.

Caruurta waxay leeyihiin baahi waxbarasho gaar ah haddii ay leeyihiin dhibaatooyin waxbarasho oo u baahan ku-talagal baahi waxbarasho gaar ah.

Caruurta waxay leeyihiin dhibaatooyin waxbarasho haddii dhibka waxbarashada ka haystaa uu ka badan dhibka ay la kulmaan caruurta intooda badan ee ay isku da'da yihiin ama haddii ay leeyihiin naafo keenayso in waxbarashada dugsi ku sii adkaato.

Maxkamadda Baahida Waxbarashada Gaarka ah

Waa hay'ad madax-banaan oo dhageysata racfaanka laga qaato go'aamada ay sameeyaan maamulada waxbarashada degmooyinku (LEA) ee ku saabsan qiimeynta faahfaahsan iyo cadeymaha.

Ku-talagal Waxbarasho Gaar ah

Waa gargaar dheeraad ah ama nooc kale ah oo la siiyo ilmaha leh baahi waxbarasho gaar ah.

Dugsi gaar ah

Waa dugsi loogu talagalay kaliya ilmaha leh cadeymo Baahi Waxbarasho Gaar ah (SEN).

Cadeynta baahi waxbarasho gaar ah

Waa dukumenti ay ku qoran tahay baahida ilmaha iyo dhamaan gargaarka gaarka ah ee la rabo in la siiyo.

Qiimeyn faahfaahsan

Waa baadhitaan aad u faahfaahsan oo lagu sameeyay baahida waxbarashada gaarka ah ee ilmaha. Waxa dhici karta in ay keento sameynta cadeyn.

Qorshe Kala-guur

Waa qorshe la sameeyay ka dib dib-u-fiirinta cadeynta sannadlaha ah ee sannadka 9-aad. Waxa ku qoran talaabooyinka loo baahan yahay in la qaado si looga guuro dugsi oo loo guuro nolol qof weyn.

Hay'adaha tabaruca

Waa hay'adaha, caadi ahaan hay'adaha samofalka, ee bixiya gargaar iyo talo badanaa la xidhiidha baahi gaar ah (eeg liiska hoose).

Qoraalada kale ee waxtar kuu yeellan kara

Xeerka Dhaqanka Baahi Waxbarasho Gaar ah

Waxa aad koobiyada Xeerka iyo liiska qoraalada kale ee DfES ee faa'iidada leh heli kartaa, adiga oo warqad u soo diraya:

DfES Publications Centre
PO Box 5050
Sudbury
Suffolk CO10 6ZQ.
Teleefon: 0845 6022260

Waxa aad buuggaa yar ku heli kartaa afafka Ingiriisi, Bengaali, Kantoniis, Giriig, Gujerati, Hindi, Bunjaabi, Urdu ama Fiyetnaamiis.

Si aad u dalbatid koobiyo bilaash ah oo ku qoran mid ka mid ah afafka aam qoraalka Ingiriisiga ah ee buuggaa yar oo cajalad lagu duubay ama ku qoran farta indhoolaha (Braille), fadlan wac lambarka teleefonka kor lagu muujiyay.

Haddii aad u baahan tahay gargaar dheeraad ah

Waxa jira hay'ado badan oo tabaruc ah oo gargaar siiya caruurta leh naafo ama dhibaatooyin waxbarasho, iyo waalidkooda. Kuwo kalena waxay bixiyaan talo guud. Qaar ka mid ah hay'adaha waaweyn ayaa ku taxan dhabarka buuggan yar. Waxa aad faahfaahin dheeraad ah ka heli kartaa xafiiskaaga LEA, laybareeriga degmadaada, Xafiiska La-talinta Muwaadiniinta (Citizen's Advice Bureau) ama Golaha Adeegga Tabaruca ee degmadaada (Council of Voluntary Service).

Adreesyada faa'iidada leh

Action for Sick Children

Argyle House
29-31 Euston Road
London NW1 2SD
Teleefon: 020 7833 2041
Webka:
www.actionforsickchildren.org

Association for Spina Bifida and Hydrocephalus

Asbah House
42 Park Road
Peterborough PE1 2UQ
Teleefon: 01733 555988
Webka: www.asbah.org

Advisory Centre for Education

Unit 1B
Aberdeen Studios
22 Highbury Grove
London N5 2EA
Teleefon: 020 7354 8321
(Teleefonka la-talintu waxa uu furan yahay laga bilaabo 2-da galabnimo ilaa 5-ta galabnimo.)
Webka: www.ace-ed.org.uk

AFASIC – Overcoming Speech Impairments

2nd Floor
50-52 Great Sutton Street
London EC1V 0DJ
Teleefon: 020 7490 9410
Khad gargaar: 08453 555577
Webka: www.afasic.org.uk

Alliance for Inclusive Education

Unit 2, Ground Floor
70 South Lambeth Road
London SW8 1RL
Teleefon: 020 7735 5277
limayl: Allfie@btinternet.com

Association for Brain Damaged Children

Clifton House
3 St Paul's Road
Foleshill
Coventry CV6 5DE
Teleefon: 02476 665450

Ataxia (Friedreich's Ataxia Group)

10 Winchester House
Kennington Park
Cranmer Road
London SW9 6EJ
Teleefon: 020 7820 3900

Barnardo's

Tanners Lane
Barkingside
Ilford
Essex IG6 1QG
Teleefon: 020 8550 8822
Webka:
www.barnardos.co.uk

British Deaf Association

1-3 Worship Street
London EC2A 2AB
Teleefon: 020 7588 3520
Webka:
www.britishdeafassociation.org.uk

British Diabetic Association UK

10 Queen Anne Street
London W1M 0BD
Teleefon: 020 7323 1531

British Dyslexia Society

98 London Road
Reading
Berkshire RG1 5AU
Teleefon: 0118 966 2677
(Isniiin ka Jimce, 10-ka subaxnimo ilaa 12.45 galabnimo iyo 2-da galabnimo ilaa 5-ta galabnimo)
Webka:
www.bda-dyslexia.org.uk

British Epilepsy Association

New Anstey House
Gate Way Drive
Yeadon
Leeds LS19 7XY
Teleefon: 01132 108800
Khad gargaar: 0808 8005050
Webka: www.epilepsy.org.uk

Brittle Bone Society

30 Guthrie Street
Dundee
DD1 5BS
Teleefon: 01328 204446

Camden Parent Advocacy Service

98 St Pancras Way
London N1 9NF
Teleefon: 020 7482 2593

Centre for Studies on Inclusive Education

1 Redland Close
Elm Lane
Redland
Bristol BS6 6UE
Teleefon: 0117 923 8450

Children's Legal Centre

University of Essex
Wivenhoe Park
Colchester CO4 3SQ
Teleefon: 01206 872466
Webka:
www2.ESSEX.AC.UK/CLC

Contact a Family

209-211 City Road
London EC1V 1JN
Teleefon: 020 7608 8700
Webka: www.cafamily.org.uk

Council for Disabled Children

c/o National Children's Bureau
8 Wakley Street
London EC1V 7QE
Teleefon: 020 7843 6000
Webka: www.ncb.org.uk

Cystic Fibrosis Trust

London Road
Bromley
Kent BR1 1BY
Teleefon: 020 8464 7211

DIAL UK (Disability Information Line)

St Catherine's
Tickhill Road
Doncaster DN4 8QN
Teleefon: 01302 310123
Webka:
www.members.aol.com/dialuk

Disability Alliance

1st Floor East
Universal House
88-94 Wentworth Street
London E1 7SA
Teleefon: 020 7247 8763

Disability Equality in Education

Unit 4Q
Leroy House
436 Essex Road
London N1 3QP
Teleefon: 020 7359 2855

Disability Living Foundation
380-384 Harrow Road
London W9 2HU
Teleefon: 020 7289 6111

Disability Sport England

Unit 4G
987-988 High Road
Tottenham
London N17 0DA
Teleefon: 020 8801 4466

Down's Syndrome Association

155 Mitcham Road
London SW17 9PG
Teleefon: 020 8682 4001
Webka:
www.downs-syndrome.org.uk

Dyspraxia Foundation

8 West Alley
Hitchin
Hertfordshire SG5 1EG
Khad gargaar: 01462 454986
Webka: www.
dyspraxiafoundation.org.uk

Dyslexia Institute

133 Gresham Road
Staines TW18 2AJ
Teleefon: 01784 463851

Family Fund Trust

PO Box 50
York YO1 9ZX
Teleefon: 01904 621115

Greater London Association for Disabled People (GLAD)

363 Brixton Road
London SW9 7AA
Teleefon: 020 7346 5800

Haemophilia Society

Chesterfield House
385 Euston Road
London NW1 3AU
Teleefon: 020 7380 0600

Headway National Head Injuries Association

4 King Edward Court
King Edward Street
Nottingham NG1 1EW
Teleefon: 01159 240800

Huntington's Disease Association

108 Battersea High Street
London SW11 3HP
Teleefon: 020 7223 7000

I CAN (Invalid Children Aid Nationwide)

4 Dyers Buildings
Holborn
London EC1N 2QP
Teleefon: 08700 104066

In Touch

10 Norman Road
Sale
Greater Manchester M33 3DF
Teleefon: 0161 905 2440
Webka: www.worthington@
netscapeonline.co.uk

IPSEA Tribunal Support Service

(oo loogu talagalay waalidka racfaan u qaadanaya Maxkamada SEN (SEN Tribunal))
4 Ancient House Mews
Woodbridge
Suffolk IP12 1DH
Teleefonka La-talinta: 0800 184016 or 01394 0382814
Kaliya maxkamadda racfaanka: 01394 384711
Webka: www.ipsea.org.uk

KIDS

6 Aztec Row
Berners Road
London N1 0PW
Teleefon: 020 7359 3635
Webka:
www.kids-online.org.uk

Kidsactive

Pryor's Bank
Bishop's Park
London SW6 3LA
Teleefon: 020 7736 4443

Leukaemia Care Society

2 Shrubbery Avenue
Worcester WR1 1QH
Teleefon: 01905 330003
Khad gargaar: 0800 1696680
limayl: enquiries@
leukaemiacare.org.uk
Webka:
www.leukaemiacare.org.uk

LOOK

Look National Office
Queen Alexander College
49 Court Oak Road
Harborne
Birmingham B17 9TG
Teleefon: 01214 285038

MENCAP

117-123 Golden Lane
London EC1Y 0RT
Teleefon: 020 7454 0454
Webka: www.mencap.org.uk

MIND (National Association for Mental Health)

15-19 Broadway
Stratford E15 4BQ
Teleefon: 020 8519 2122
Webka: www.mind.org.uk

Motability

Goodman House
Station Approach
Harlow
Essex CM20 2ET
Teleefon: 01279 635666
Webka: www.motability.co.uk

Muscular Dystrophy Group of GB

7-11 Prescott Place
London SW4 6BS
Teleefon: 020 7720 8055
Webka:
www.muscular dystrophy.org

National Association for the Education of Sick Children

18 Victoria Park Square
Bethnal Green
London E2 0PF
Teleefon: 020 8980 8523
limayl:
naesc@ednsick.demon.co.uk
Webka:
www.sickchildren.org.uk

National Association of Citizens' Advice Bureaux

115-123 Pentonville Road
London N1 9LZ
Teleefon: 020 7833 2181
Webka: www.nacab.org.uk

National Association of Leisure Toy Libraries

68 Churchway
London NW1 1LT
Teleefon: 020 7387 9592

National Association of Parent Partnership Network

8 Wakley Street
London EC1V 7QE
Teleefon: 020 7843 6058

National Association of Special Educational Needs

4/5 Amber Business Village
Amker Close
Tamworth B77 4RP
Teleefon: 01827 311500
limayl:
welcome@nasen.org.uk
Webka: www.nasen.org.uk

National Asthma Campaign

Providence House
Providence Place
London N1 0NT
Teleefon: 020 7226 2260
Khad gargaar: 08457 010203
Webka: www.asthma.org.uk

National Autistic Society

393 City Road
London EC1V 1NG
Teleefon: 020 7833 2299
Webka:
www.oneworld/autism.uk

National Blind Children's Society

NBCS House
Market Street
Highbridge
Somerset TA9 3BW
Teleefon: 01278 764764
Webka: www.mbcbs.org.uk

National Deaf Children's Society

15 Dufferin Street
London EC1Y 8UR
Teleefon: 020 7250 0123
Webka: www.ndcf.org.uk

National Eczema Society

Hill House
Highgate Hill
London N19 5NA
Teleefon: 08702 413604
Webka: www.eczema.org

National Federation of the Blind of the UK

215 Kirkgate
Wakefield
West Yorkshire WF1 1JG
Teleefon: 01924 291313
limayl: nfbuk@globalnet.co.uk
Webka: www.
users.globalnet.co.uk/~nfbuk

National Library for the Blind

Far Cromwell Road
Bredbury
Stockport SK6 2SG
Teleefon: 0161 355 2000
Webka: www.nlbuk.org

National Library for the Handicapped Child

(National Research Centre for Children with Reading Difficulties)
Wellington House
Wellington Road
Wokingham
Berkshire RG40 2AG
Teleefon: 0118 989 1101

National Society for Epilepsy

Chesham Lane
Chalfont St Peter
Gerrards Cross
Buckinghamshire SL9 0RJ
Teleefon: 01494 601300
Khad gargaar: 01494 601 400
Webka:
www.epilepsynfe.org.uk

Network 81

1-7 Woodfield Terrace
Chapel Hill
Stanstead
Essex CM24 8AJ
Teleefon: 01279 647415
(Isniiin ka Jimce, 10-ka subaxnimo ilaa to 2-da galabnimo)
Webka: network81.co.uk

Parents for Inclusion

Unit 2
70 South Lambeth Road
London SW8 1RL
Khad gargaar: 020 7582 5008
limayl:
info@parentsforinclusion.org
Webka:
www.parentsforinclusion.org

Physically Disabled and Able Bodied

(PHAB LTD)
Summit House
Wandlee Road
Croydon CR0 1DF
Teleefon: 020 8667 9443
Webka:
www.fabengland.org.uk

Pre-school Learning Alliance

69 Kings Cross Road
London WC1X 9LL
Teleefon: 020 7833 0991
Webka:
www.pre-school.org.uk

Rathbone

Churchgate House
55 Oxford Street
Manchester M1 6EU
Teleefon: 0161 236 5358
limayl:
info@rathbonetraining.co.uk
Webka:
www.rathbonetraining.co.uk

Royal National Institute for the Blind

105 Judd Street
London WC1H 9NE
Teleefon: 020 7388 1266
Khad gargaar: 0845 76 9999
Typetalk: 0800 51 51 52

SCOPE

6 Market Place
London N7 9PW
Teleefon: 020 7619 7100
Khad gargaar: 0800 626 216
(9-ka subaxnimo ilaa 9-ka subaxnimo maalmaha shaqada)
(2-da galabnimo ilaa 6-da galabnimo maalmaha Sabtida iyo Axadda)
Webka:
www.scope.org.co.uk

SENSE

11-13 Clifton Terrace
Finsbury Park
London N4 3SR
Teleefon: 020 7272 7774
Webka: www.sense.org.uk

Sickle Cell Society

54 Station Road
London NW10 4UA
Teleefon: 020 8961 7795
Webka:
www.sicklecellsociety.org

SKILL

4th Floor, Chapter House
18-20 Crucifix Lane
London SE1 3JW
Teleefon: 020 7450 0620
Info Line: 0800 328 5050
(Isniin ilaa Jimce, 1.30 galabnimo ilaa 4.30 galabnimo)
Webka: www.skill.org.uk

Special Education Consortium

c/o Council for Disabled Children
8 Wakely Street
London EC1V 7QE
Teleefon: 020 7843 6318

Spinal Injuries Association

76 St James Lane
London N10 3DF
Teleefon: 020 8444 2121
Webka: www.spinal.co.uk

The Stroke Association

Midas House
Winterstoke Road
Bristol BS3 2LF
Teleefon: 0117 953 1200
Khad gargaar: 0845 3033 100
Webka: www.stroke.org.uk

Tuberous Sclerosis Association of GB

PO Box 9644
Bromsgrove
B61 0FP
Teleefon: 01527 871898
Webka:
www.tuberous-sclerosis.org

Young Minds

102-108 Clerkenwell Road
London EC1M 5SA
Teleefon: 020 7336 8445
Khad gargaar: 0800 0182138
Webka:
www.youngminds.org.uk

Adeegyada iskaashiga waalidka – teleefonada lala xidhiidho

- Barking and Dagenham
0208 590 6544
- Barnet
0208 359 3204
- Barnsley
01226 244 903
- Bath and North East Somerset
0117 989 7725
- Bedford
01234 316353
- Berkshire West
01635 519779
- Bexley
0208 303 7777 ext. 4225
- Birmingham
0121 303 5004
- Blackburn with Darwen
0845 601 4284
- Blackpool
0845 601 4284
- Bolton
01204 844 806
- Bournemouth
01202 516195
- Bracknell Forest
01344 354011
- Bradford
01274 481183
- Brent
0208 937 3354
- Brighton and Hove
01273 772289
- Bristol City
0117 989 7725
- Bromley
0208 313 4164
- Buckinghamshire
01296 383754
- Bury
0161 763 5001
- Calderdale
01422 357 257
- Cambridgeshire
01223 718154
- Camden
0207 974 8154
- Cheshire
01606 814375
- City of London
0207 332 3704
- Cleveland
01642 264702
- Cornwall East
01566 784986
- Cornwall-Mid
01726 861641
- Cornwall West
01209 843249
- Coventry
02476 678365
- Croydon
0208 655 0941
- Cumbria South
01229 894439
- Cumbria East
01228 606832
- Cumbria West
01946 852890
- Darlington
01325 254548
- Derby City
01332 716930
- Derbyshire
01246 273154
- Devon, Cornwall and Torbay
01752 204617
- Devon East
01392 385 800
- Devon Mid-West
01566 784986
- Devon North
01271 866835
- Devon South
01752 872799
- Doncaster
01302 737 231
- Dorset
01305 224476
- Dudley
01384 485450
- Durham
0191 587 3541
- Ealing
0208 840 9099
- East Riding of Yorkshire
01482 392 164
- Enfield
0208 807 7179
- Essex
01245 436036
- Gateshead
0191 433 2775
- Gloucestershire
01452 426448
- Gloucestershire South
0117 989 7725
- Greenwich
0208 305 0134
- Hackney
0208 356 7421
- Halton
01925 442978
- Hammersmith and Fulham
0208 753 3509
- Hampshire
01962 845870
- Haringey
0208 800 4134 ext. 228
- Harrow
0208 426 1976
- Hartlepool
01429 523723
- Havering
01708 433885
- Herefordshire
01432 260955
- Hertfordshire
01992 555847
- Hillingdon
01895 277001
- Hounslow
0208 583 2607
- Isle of Wight
01983 825548
- Isles of Scilly
01720 422537
- Islington
0207 527 5856
- Kensington and Chelsea
0207 598 4874
- Kent
01622 755515
- Kingston upon Hull
01482 213030
- Kingston upon Thames
0208 547 2751
- Kirklees
01924 326646
- Knowsley
0151 443 3283
- Lambeth
0207 926 9464
- Lancashire
01772 743434

- Lewisham
0208 314 9458
- Leeds
0113 214 3135
- Leicester City
0116 251 3999
- Leicestershire
0116 265 6197
- Lincolnshire
01522 553351
- Lincolnshire
North
01724 277665
- Lincolnshire
North East
01472 325607
- Liverpool
0151 233 2848
- Luton
01582 548156
- Manchester
0161 256 3179
- Medway
0207 359 3635
- Merton
0208 687 0085
- Middlesbrough
and Cleveland
01642 264930
- Milton Keynes
01908 253622
- Newcastle-upon-Tyne
0191 274 3620
ext 234
- Newham
0208 470 9703
- Norfolk
01603 281044
- Northamptonshire
01604 636111
- Northumberland
01670 533694
- Nottingham City
0115 948 2888
- Nottinghamshire
01623 422223
- Oldham
0161 911 3135
- Oxfordshire
01865 810516
- Peterborough
01733 748312
- Plymouth
01752 606468
- Poole
01202 261933
- Portsmouth
02392 825993
- Reading
01189 390 817
- Redbridge
0208 708 3232
- Redcar and
Cleveland
01642 444102
- Richmond upon
Thames
0208 744 9888
- Rotherham
01709 382121
- Rochdale
01704 570 530
- Rutland
01572 723012
- Salford
0161 742 3914
- Sandwell
0121 580 2500
- Sefton
01704 570 530
- Sheffield
0114 281 1880
- Shropshire
01952 291350
- Slough
01753 787690
- Solihull
0121 770 5027
- Somerset
01823 355578
- Somerset North
0117 989 7725
- Somerset North
East and Bath
01225 394294
- Southampton
02380 557 607
- Southend-on-
Sea
01702 215 658
- Southwark
0207 525 2673
- Staffordshire
01785 356 921
- St Helens
01744 677 365
- Stockport
0161 477 6648
- Stockton on
Tees
01642 677295
- Stoke-on-Trent
01782 234701
- Suffolk
01473 584715
- Sunderland
0191 219 3770
- Surrey
01737 646227
- Sussex East
01273 481172
- Sussex West
01243 752 115
- Sutton
0208 640 4541
- Swindon
01793 466494
- Minicom:
01793 436659
- Tameside
0161 342 3383
- Telford and
Wrekin
01952 291350
- Thurrock
01375 399333
- Tower Hamlets
0207 364 6489
ama
0207 702 8316
- Trafford
0161 912 3150
- Tyneside North
0191 200 6983
- Tyneside South
0191 427 7711
- Wakefield
01924 303662
- Walsall
01922 652313
- Waltham Forest
0208 496
006/5009
- Wandsworth
0208 871 8065
- Warrington
01925 442978
- Warwickshire
02476 588443
- Westminster
0207 641 2349
- Wigan
01942 828 824
- Wiltshire
01249 716381
- Windsor and
Maidenhead
01628 671490
- Wirral
0151 647 6631
- Wokingham
0118 974 6240
- Wolverhampton
01902 556 945
- Worcestershire
01905 766653
- York City
01904 554312
- Yorkshire East
01482 392 164
- Yorkshire North
01609 780 780

Fiiryooyin

Waxa aad qoraalkan ka eegi kartaa rugta webka www.dfes.gov.uk/sen ama waxa aad koobiyo kale ka heli kartaa:

DfES Publications Centre
PO Box 5050
Sherwood Park
Annersley
Nottingham NG15 0DJ
Teleefon: 0845 602 2260 Fax: 0845 603 3360
limayl: dfes@prolog.uk.com

Fadlan sheeg tixraaca ah DfES 0800/2001
©Crown Copyright 2001 (Xuquuqda Daabacaada Boqortooyada 2001)

Waxa kale oo aad dukumentigan ka heli kartaa DfES Publications (adreeskuna waa ka sare) isagoo ah afafkan soo socda: Bengali, Shiine, Giriig, Gujarati, Hindi, Bunjabi, Turki iyo Urdu.

Waxa kuu banaan inaad wax ka qaadatid dukumentigan marka ulajeedo tahay mid aan ganacsi ahayn ama ay tahay mid loola jeedo tababar in alaale inta aad qiraysid meesha aad ka soo xigatay.

Koobiyo bilaash ah oo ah Xeerka Dhaqanka SEN (SEN Code of Practice) ayaa laga heli karaa DfES Publications Centre (adreesku waa ka kor lagu sheegay) ama waxa aad ka heli kartaa rugta webka:

<http://inclusion.ngfl.gov.uk>

Ref: DfES 0800/2001
PP1322/D21/44434/1101/25
ISBN: 1-84185-644-4